

遼

史

三

蘇氏

本紀第十四

遼史十四

開府儀同三司 柱國 錄國事 中書丞相 驤 國史 碩 經筵事 都總裁 臣 脫脫 奉

勅修

聖宗五

十六年春正月乙丑如長瀋二月庚子夏國遣使來貢丙  
午以監門衛上將軍耶律喜羅爲中臺省左相三月甲子  
女直遣使來貢乙亥鼻骨德酋長來貢夏四月癸卯振崇  
德宮所隸州縣民之被水者丁未罷民輸官俸給自內帑  
巳酉祈雨乙卯如木葉山五月甲子祭白馬神丁卯祠木  
葉山告來歲南伐庚辰鐵驪來貢乙酉還上京婦人年踰

九十者賜物六月戊子朔致奠於祖懷二陵是月清暑炭  
山秋七月丁巳朔錄囚聽政八月丁亥朔東幸九月丁巳  
朔駐蹕得勝只冬十一月遣使冊高麗國王誦十二月丙  
戌宋國王休哥薨輟朝五日進封皇弟恒王隆慶爲梁國  
王南京留守鄭王隆祐爲吳國王是年放進士楊又立等  
二人

十七年春正月乙卯朔如長春宮夏四月如炭山清暑六  
月元惹烏昭慶來秋七月以伐宋詔諭諸道九月庚辰朔  
幸南京己亥南伐癸卯射鬼箭北院樞密使魏王耶律斜  
軫薨以韓德讓兼知北院樞密使事冬十月癸酉攻遂城

不克遣蕭繼遠攻狼山鎮石砦破之次瀛州與宋軍戰擒其將康昭裔宋順獲兵仗器甲無筭進攻樂壽縣拔之次遂城敵衆臨水以拒縱騎兵突之殺戮殆盡是年放進士初錫等四人及第

十八年春正月還次南京賞有功將士詔諸不用命者詔諸

軍各還本道二月幸延芳淀夏四月己未駐蹕于清泉淀五月丁酉清暑炭山六月阻卜叛酋鶻礪之弟鐵刺不率部衆來附鶻礪無所歸遂降詔誅之秋七月駐蹕于湯泉九月乙亥朔駐蹕黑河冬十一月甲戌朔授西平王李繼遷子德昭朔方軍節度使十二月回鶻來貢是年放進士

南承保等三人及第

十九年春正月辛巳以祗候郎君班詳穩觀音爲奚六部  
大王甲申回鶻進梵僧名醫三月乙亥夏國遣李文貴來  
貢乙酉西南面招討司奏党項捷壬辰皇后蕭氏以罪降  
爲貴妃賜大丞相韓德讓名德昌夏四月乙巳幸吳國王  
隆祐第視疾丙午問安皇太后五月癸酉清暑炭山丙戌  
冊蕭氏爲齊天皇后庚寅以千拽刺詳穩耶律王奴爲乙  
室大王辛卯以青牛白馬祭天地六月乙巳以所俘宋將  
康昭裔爲昭順軍節度使戊午夏國奏下宋恒環慶等三  
州賜詔褒之秋七月丙戌以東京統軍使耶律奴瓜爲南

府宰相八月庚戌達廬骨部來貢九月己巳朔問安皇太后戊子駐蹕昌平庚寅西南面招討司奏討吐谷渾捷辛卯幸南京冬十月己亥南伐壬寅次鹽溝徙封吳國王隆祐爲楚國王留守京師丁未梁國王隆慶統先鋒軍以進辛亥射鬼箭壬子以青牛白馬祭天地甲寅遼軍與宋兵戰于遂城敗之庚申以黑白羊祭天地丙寅次滿城以泥淖班師十一月庚午射鬼箭丙子宋兵出淤口益津關來侵偵候謀注虞人招古擊敗之己卯觀漁儒門樂閨月己酉鼻骨德來貢己未減關市稅十二月庚辰免南京平州租稅

二十年春正月庚子如延芳淀癸丑東方五色虹見詔安撫西南面向化諸部甲寅夏國遣使貢馬駝辛酉女直宰相夷离底來貢二月丁丑女直遣其子來朝高麗遣使賀伐宋捷三月甲寅遣北府宰相蕭繼遠等南伐壬戌馬蹕鴛鴦樂夏四月丙寅朔文班太保達里底敗宋兵于梁門甲戌南京統軍使蕭撻凜破宋軍於泰州乙酉南征將校獻俘賜爵賞有差戊子鐵驪遣使來貢五月乙卯幸炭山清暑六月夏國遣劉仁勛來告下靈州秋七月甲午朔日有食之丁酉以邢抱朴爲南院樞密使辛丑高麗遣使來貢本國地里圖九月癸巳朔謁顯陵告南伐捷冬十月癸

亥朔至自顯陵十二月癸王府五帳六節度獻七金山土  
河川地賜金幣是歲南京平州麥秀兩岐放進士邢祥等  
六人及第

二十一年春正月如駕鵞鵲三月壬辰詔修日曆官母書  
細事申午朝皇太后戊午鐵驪來貢夏四月乙丑女直遣  
使來貢戊辰兀惹渤海奧里米越里篤越里古等五部遣  
使來貢是月耶律奴瓜蕭撻寧獲宋將王繼忠于望都五  
月庚寅朔清暑炭山丁巳西平王李繼遷薨其子德昭遣  
使來告六月己卯贈繼遷尚書令遣西上閣門使丁振吊  
慰辛巳党項來貢乙酉阻卜鐵刺里率諸部來降是月修



通鑑卷一百四  
可敦城秋七月庚戌阻卜烏古來貢甲寅以奚王府監軍  
耶律室魯爲南院大王八月乙酉阻卜鐵刺里來朝丙戌  
朝皇太后九月己亥夏國李德昭遣使來謝吊贈癸丑幸  
女河湯泉改其名曰松林冬十月丁巳駐蹕七渡河戊辰  
以楚國王隆祐爲西南面招討使十一月壬辰故于越耶  
律休哥之子道士奴高九等謀叛伏誅丙申通括南院部  
民十二月癸未罷三京諸道貢

二十二年春正月丁亥如鴛鴦濼二月乙卯朔女直遣使  
來貢丙寅南院樞密使邢抱朴薨輟朝三日三月己丑罷  
番部賀千齡節及冬至重五貢乙未西夏李德昭遣使上

繼遷遺物夏四月丁卯朝皇太后五月清暑炭山六月戊  
子以可敦城爲鎮州軍曰建安秋七月甲申遣使封夏國  
李德昭爲西平王丁亥元惹蒲奴里剖阿里越里篤奧里  
米等部來貢八月丙辰党項來貢庚申阻卜酋鐵刺里來  
朝戊辰鐵刺里求婚不許丙子駐蹕犬牙山九月己丑以  
南伐諭高麗丙午幸南京女直遣使獻所獲烏昭慶妻孥  
丁未致祭于太宗皇帝廟以北院大王磨魯古太尉老君  
奴監北南王府兵庚戌命楚國王隆祐留守京師閏月己  
未南伐癸亥次固安以所獲謀者射鬼箭甲子以青牛白  
馬祭天地丙寅遼師與宋兵戰于唐興大破之丁卯蕭撻

凖與宋軍戰于遂城敗之庚午軍于望都冬十月乙酉以  
黑白羊祭天地丙戌攻瀛州不克甲午下祈州賚降兵以  
酒脯祭天地己酉西平王李德昭遣使謝封冊十一月癸  
亥馬軍都指揮使耶律課里遇宋兵于洺州擊退之甲子  
東京留守蕭排押獲宋魏府官吏田逢吉郭守榮常顯劉  
綽等以獻丁卯南院大王善補奏宋遣人遺王繼忠弓矢  
密請求和詔繼忠與使會許和庚午攻破德清軍壬申次  
澶淵蕭撻凖中伏弩死乙亥攻破通利軍丁丑宋遣崇儀  
副使曹利用請和即遣飛龍使韓杞持書報聘十二月庚  
辰朔日有食之既癸未宋復遣曹利用來以無還地之意

遣監門衛大將軍姚東之持書往報戊子宋遣李繼昌請  
和以太后爲叔母願歲輸銀十萬兩絹二十萬匹許之即  
遣閤門使丁振持書報聘己丑詔諸軍解嚴是月班師皇  
太后賜大丞相齊王韓德昌姓耶律徙王晉是年放進士  
李奇封等三人

二十三年春正月戊午還次南京庚申大饗將卒爵賞有  
差二月丙戌復置榷場於振武軍丁巳夏國遣使告下宋  
青城辛酉朝皇太后以惕隱化哥爲南院大王行軍都監  
老君奴爲惕隱乙丑振党項部丁卯回鶻來貢丁丑改易  
州飛狐招安使爲安撫使夏四月丙戌女直及阿薩蘭回

鶻各遣使來貢乙未鐵驪來貢己亥党項來侵五月戊申朔宋遣孫僅等來賀皇太后生辰乙卯以金帛賜陣亡將士家丙寅高麗以與宋和遣使來賀六月壬辰清暑炭山甲午阻卜酋鐵刺里遣使賀與宋和己亥達旦國九部遣使來聘秋七月癸丑問安皇太后戊午党項來貢辛酉以青牛白馬祭天地壬戌烏古來貢丁卯女直遣使來貢阿薩蘭回鶻遣使來請先留使者皆遣之九月甲戌遣太尉阿里太傅楊六賀宋主生辰冬十月丙子朔鼻骨德來貢戊子朝皇太后甲午駐蹕七渡河祭卯宋歲幣始至後爲常十一月戊申上遣太保合住頒給使韓簡太后遣太師

盆奴政事舍人高正使宋賀正旦辛亥觀漁桑乾河丁巳  
詔大丞相耶律德昌出宮籍屬于橫帳十二月丙申宋遣  
周漸等來賀千齡節丁酉復遣張若谷等來賀正旦

二十四年春正月如駕鵞樂夏五月壬寅朔幸炭山清暑  
幽皇太妃胡輦于懷州囚夫人夷懶于南京餘黨皆生瘞  
之秋七月辛丑朔南幸八月丙戌改南京宮宣教門爲元  
和外三門爲南端左掖門爲萬春右掖門爲千秋是月沙  
州燉煌王曹壽遣使進大食國馬及美玉以對衣銀器等  
物賜之九月辛南京冬十月庚午朔帝率群臣上皇太后  
尊號曰睿德神略應運啓化承天皇太后群臣上皇帝尊

通鑑卷一百一十四  
號曰至德廣孝昭聖天輔皇帝大赦是年放進士楊偁等  
二十三人及第

二十五年春正月建中京二月如鴛鴦灤夏四月清暑炭  
山六月賜皇太妃胡輦死于幽所秋七月壬申西平王李  
德昭母薨遣使弔祭甲戌遣使起復九月西北路招討使  
蕭圖玉討阻卜破之冬十月丙申駐蹕中京十二月己酉  
振饒州饑民

二十六年春二月如長灤夏四月辛卯朔祠木葉山五月  
庚申朔還上京丙寅高麗進龍鬚革席已遣使賀中京  
成庚午致祭祖懷二陵辛未駐蹕懷州秋七月增太祖太

宗讓國皇帝世宗謚仍謚皇太弟李胡曰欽順皇帝冬十月戊子朔幸中京十二月蕭圖玉奏討甘州回鶻降其王耶刺里撫慰而還是年放進士史克忠等一十三人

二十七年春正月鈎魚土河獵于瑞鹿原夏四月丙戌朔駐蹕中京營建宮室庚戌廢霸州處置司秋七月甲寅朔霖雨潢土幹刺陰涼四河皆溢漂沒民舍八月甲申北幸冬十月壬子朔行柴冊禮十二月乙酉南幸皇太后不豫戊子肆赦辛卯皇太后崩于行宮壬辰遣使報哀于宋夏高麗戊申如中京己酉詔免賀千齡節是歲御前引試劉二宜等三人



本紀第十四

本紀第十五

遼史十五

開府儀同三司樞密軍國事書丞相兼樞密院事都統程脫脫奉

勅修

聖宗六

二十八年春正月辛亥朔不受賀甲寅如乾陵癸酉奉安  
大行皇太后梓宮于乾州敢塗殿二月丙戌宋遣王隨王  
儒等來吊祭己亥高麗遣魏守愚等來祭是月遣左龍虎  
衛上將軍蕭合卓饋大行皇太后遺物于宋仍遣臨海軍  
節度使蕭虛列左領軍衛上將軍張崇濟謝宋吊祭三月  
癸卯上大行皇太后謚為聖神宣獻皇后是月宋高麗遣

使來會葬夏四月甲子葬太后於乾陵賜大丞相耶律德昌名曰隆運庚午賜宅及陪葬地五月己卯朔如中京辛卯清暑七金山乙巳西北路招討使蕭圖玉奏伐甘州回鶻破肅州盡俘其民詔修土隄口故城以實之丙午高麗西京留守康肇弑其主誦擅立誦從兄誦詔諸道繕甲兵以備東征秋八月戊申振平州饑民辛亥幸中京丙寅謁顯乾二陵丁卯自將伐高麗遣使報宋以皇第楚國王隆祐留守京師北府宰相駙馬都尉蕭排押爲都統北面林牙僧奴爲都監九月乙酉遣使冊西平王李德昭爲夏國王辛卯遣樞密直學士高正引進使韓杞宣問高麗王詢

冬十月丙午朔女直進良馬萬匹乞從征高麗許之王詢遣使奉表乞罷師不許十一月乙酉大軍渡鴨綠江康肇拒戰敗之退保銅州丙戌肇復出右皮室詳穩耶律敵魯擒肇及副將李立追殺數十里獲所棄糧餉鎧仗戊子銅霍貴寧等州皆降排押至奴古達嶺遇敵兵戰敗之辛卯王詢遣使上表請朝許之禁軍士俘掠以政事舍人馬保佑爲開京留守安州團練使王八爲副留守遣太子太師乙凜將騎兵一千送保佑等赴京壬辰守將卓思正殺遼使者韓喜孫等十人領兵出拒保佑等還遣乙凜領兵擊之思正遂奔西京圍之五日不克駐蹕城西高麗禮部郎

中渤海陀失來降庚子遣排押盆奴等攻開京遇高麗兵  
敗之王詢棄城遁去遂焚開京至清江還

二十九年春正月乙亥朔班師所降諸城復叛至貴州南  
峻嶺谷大雨速日馬駢皆疲甲仗多遺棄盡勢得渡己丑  
次鴨綠江庚寅皇后及皇弟楚國王隆祐迎于來遠城壬  
辰詔罷諸軍己亥次東京二月己酉謁乾顯二陵戊午所  
俘高麗人分置諸陵廟餘賜內戚大臣三月己卯大丞相  
晉國王耶律隆運薨庚辰皇弟楚國王隆祐權知北院樞  
密使事樞密直學士高正爲北院樞密副使庚寅南京平  
州水振之己亥以北院大王耶律室魯爲北院樞密使封

韓王北院郎君耶律世良爲北院大王前三司使劉慎行  
叅知政事兼知南院樞密使事夏四月清暑老古塌五月  
甲戌朔詔已奏之事送所司附日曆又詔帳族有罪黥墨  
依諸部人例乙未以劉慎行爲南院樞密使南府宰相邢  
抱質知南院樞密使事六月庚戌升蔚州利州爲觀察使  
乙卯韓王耶律室魯薨丙辰以南院大王化哥爲北院樞  
密使丁巳詔西北路招討使駙馬都尉蕭圖王安撫西鄙  
置阻卜諸部節度使是秋獵于平地松林冬十月庚子駐  
蹕廣平淀甲寅贈大丞相晉國王耶律隆運尚書令謚文  
忠十二月庚午朔幸顯州十二月庚子復如廣平淀癸丑

以知南院樞密使事邢抱質年老詔乘小車入朝是月置歸寧二州是年御試放高承顏等二人及第

開泰元年春正月己巳朔宋遣趙湘符成翰來賀癸未長白山三十部女直酋長來貢乞授爵秩甲申駐蹕王子院丙戌望祠木葉山丁亥女直太保蒲撚等來朝戊子獵于買曷魯林庚寅祠木葉山辛卯曷蘇館大王曷里喜來朝二月壬子駐蹕瑞鹿原三月甲戌以蔚州爲觀察不隸武定軍乙亥如葦澤丁丑詔封皇女八人爲郡主乙酉詔上日行拜山大射柳之禮命北宰相駙馬蘭陵郡王蕭寧樞密使司空邢抱質督有司具儀物丁亥皇弟楚國王隆祐

徙封齊國王留守東京夏四月庚子高麗遣使來寇  
稱臣如舊詔望詢親朝壬寅夏國遣使進良馬己酉祀風  
伯辛酉以前孟父房敞穩蕭佛奴爲左夷離畢五月戊辰  
朔還上京詔裴玄感邢祥知禮部貢舉放進士吏簡等十  
九人及第以駙馬蕭紹宗爲鄭州防禦使乙亥以邢抱質  
爲大同軍節度使六月駐蹕上京七月丙子以耶律遂貞  
爲遼興軍節度使遂正北院宣徽使張昭瑩南院宣徽使  
耶律受益上京副留守寇鄉彰德軍節度使命耶律釋身  
奴李操充賀宋生辰國信使副蕭涅袞齊泰賀宋正旦使  
副進士康文昭張素臣郎玄達坐論知貢舉裴玄感邢祥



通鑑卷一百一十五  
私曲秘書省正字李萬上書辭涉怨訕皆杖而徒之萬役  
陷河治八月丙申鐵驪那沙等送元惹百餘户至賓州賜  
絲綃是日那沙乞賜佛像儒書詔賜護國仁王佛像一易  
詩書春秋禮記各一部己未高麗王詢遣田拱之奉表稱  
病不能朝詔復取六州地是月齊國王隆祐薨輟朝五日  
冬十月辛亥如中京閏月丁卯贈隆祐守太師謚仁孝十  
月甲午朔文武百官加上尊號曰弘文宣武尊道至德  
崇仁廣孝聰睿昭聖神贊天輔皇帝大赦改元開泰改幽  
都府爲析津府薊北縣爲析津縣幽都縣爲宛平縣覃恩  
中外己亥賜夏國使東頭供奉官曹文斌呂文貴等珪祐

守榮武元正等爵有差癸卯前遼州錄事張庭美六世同  
居儀坤州劉興胤四世同居各給復三年甲辰西北招討  
使蕭圖玉奏七部太師阿里底因其部民之怨殺本部節  
度使霸暗并屠其家以叛阻卜執阿里底以獻而沿邊諸  
部皆叛十二月丙寅奉遷南京諸帝石像于中京觀德殿  
景宗及宣獻皇后于上京五鸞殿壬申振奉聖州饑民庚  
辰賜皇弟秦晉國王隆慶鐵券癸未劉晨言殿中高可垣  
中京留守推官李可舉治獄明允詔超遷之甲申詔諸道  
水菑饑民質男女者起來年正月日計傭錢十文價折傭  
盡遣還其家歸州言其居民本新羅所遷未習文字請設

學以教之詔允所請貴德龍化儀坤雙遼同祖七州至是有詔始征商已丑詔諸鎮建宣敕樓

二年春正月癸巳朔以裴玄感爲翰林承旨邢祥給事中石用中翰林學士呂德推樞密直學士張儉政事舍人邢抱質加開府儀同三司守司空兼侍中王繼忠中京留守檢校太師戶部侍郎劉涇加工部尚書駙馬蕭紹宗加檢校太師耶律控溫加政事令封幽王丁未如瑞鹿原北院樞密使耶律化哥封幽王以馬氏爲麗儀耿氏淑儀尚寢白氏昭儀尚服李氏順儀尚功艾氏芳儀尚儀孫氏和儀已未錄囚烏古敵烈叛右皮室詳穩延壽率兵討之是月

達旦國兵圍鎮州州軍堅守尋引去二月丙子詔以麥務  
川爲象雷縣女河川爲神水縣羅家軍爲閭山縣山子川  
爲富庶縣習家砦爲龍山縣阿覽峪爲勸農縣松山川爲  
松山縣金甸子爲金原縣壬午遣北院樞密副使高正按  
察諸道獄三月壬辰朔化哥以西北路略平留兵戍鎮州  
赴行在夏四月甲子拜日詔從上京請以韓斌所括贍國  
捷魯河奉蒙等州戶二萬五千四百有奇置長霸興仁保  
和等十縣丙子如緬山五月辛卯朔復命化哥等西討六  
月辛酉朔遣中丞耶律資忠使高麗取六州舊地秋七月  
壬辰烏古敵烈皆復故疆乙未西南招討使政事令斜軫

秦党項諸部叛者皆遁黃河北橫赧山其不叛者曷黨焉  
迷两部因據其地今復西遷詰之則曰逐水草不早圖之  
後恐爲患又問前後叛者多投西夏西夏不納詔遣使再  
問西遷之意若歸故地則可就加撫諭使不報上怒欲伐  
之遂詔李德昭今党項叛我欲西伐爾當東擊毋失犄角  
之勢仍命諸軍各市肥馬丁酉以惕隱耶律滌冽爲南府  
宰相太尉五哥爲惕隱癸卯鈎魚曲溝戊申詔以敦睦宮  
子錢振貧民己酉化哥等破阻卜酋長烏八之衆丁卯封  
皇子宗訓大內惕隱八月壬戌遣引進使李延弘賜夏國  
王李德昭及義成公主車馬己丑耶律資忠使高麗還冬

十月己未朔敗燕井之北命耶律阿魯等使宋賀生辰辛酉駐蹕長樂丙寅詳穩張馬留獻女直人知高麗事者上問之曰臣三年前爲高麗所虜爲郎官故知之自開京東馬行七日有大砦廣如開京旁州所貢珍異皆積于此勝羅等州之南亦有二大砦所積如之若大軍行由前路取曷蘇館女直北直渡鴨綠江並大河而上至郭州與大路會高麗可取而有也上納之十一月甲午錄囚癸丑樞密使幽王化哥以西征有罪削其官封出爲大同軍節度使十二月甲子以北院大王耶律世良爲北院樞密使封岐王以宰臣劉晟監修國史牛璘爲彰國軍節度使蕭孝穆

爲曲北路招討使放進士鮮于茂昭等六人及第

三年春正月己丑錄囚阻卜酋長烏八來朝封爲王乙未  
如渾河丁酉女直及鐵驪各遣使來貢是夕彗星見西方  
丙午改潢河濱壬子帝及皇后獵瑞鹿原二月戊午詔增  
樞密使以下月俸甲子遣上京副留守耶律資忠復使高  
麗取六州舊地三月庚子遣耶律世良城招州戊申南京  
奉聖平蔚雲應朔等州置轉運使夏四月戊午詔南京管  
內毋奄刑獄以妨農務癸亥烏古叛乙亥沙州回鶻曹順  
遣使來貢丙子以西北路招討都監蕭孝穆爲北府宰相  
五月乙酉朔清暑緬山六月乙亥合拔里乙室二國舅爲

一帳以乙室夷离畢蕭敵烈爲詳穩以總之甲申封皇姪  
胡都古爲廣平郡王是夏詔國舅詳穩蕭敵烈東京留守  
耶律團石等討高麗造浮梁于鴨渌江城保宣義定遠等  
州秋七月乙酉朔如平地松林壬辰詔政事省樞密院酒  
間授官釋罪毋即奉行明日覆奏八月日寅朔幸沙嶺九  
月丁酉八部敵烈殺其詳穩稍瓦皆叛詔南府宰相耶律  
吾刺葛招撫之辛亥釋敵烈數人令招諭其衆壬子耶律  
世良遣使獻敵烈俘冬十月甲寅朔幸中京丙子以旗鼓  
拽刺詳穩題里姑爲奚六部大王放進士張用行等三十  
一人及第出身



四年春正月乙酉如瑞鹿原丙戌詔耶律世良再伐迪烈  
得戊子命詳穩拔姑溺水瑞鹿原以備春蒐丁酉獵馬蘭  
淀壬寅東征東京留守善寧平章涅里袞奏已總大軍及  
女直諸部兵分道進討遂遣使齎密詔軍前二月壬子朔  
如薩堤濼于闐國來貢夏四月癸丑以林牙建福爲北院  
大王甲寅蕭敵烈等伐高麗還丙辰曷蘇館部請括女直  
王殊只你戶舊無籍者會其丁入賦役從之樞密使貫寧  
奏大破八部迪烈得詔侍御撒剌獎諭代行執手之禮丙  
寅耶律世良等上破阻卜俘獲數戊辰駐蹕泂柳湖己巳  
女直遣使來貢壬申耶律出良討烏古破之甲戌遣使賞

有功將校世良討迪烈得至清泥竭時于厥旣平朝廷議  
內徙其衆于厥安土重遷遂叛世良懲創旣破迪烈得轉  
殲其丁壯勒兵渡曷刺河進擊餘黨斥候不謹其將勃括  
聚兵稠林中擊遼軍不備遼軍小却結陣河曲勃括是夜  
來襲翌日遼役軍至勃括誘于厥之衆皆遁世良追之軍至  
險阨勃括方阻險少休遼軍偵知其所世良不亟掩之勃  
括輕騎遁去獲其輜重及所誘于厥之衆併遷迪烈得所  
獲輜重里部民城臚胸河上以居之是月蕭楊哥尚南平  
郡主五月辛巳命北府宰相劉晟爲都統樞密使耶律世  
良爲副殿前都點檢蕭屈烈爲都監以伐高麗晟先携家

置邊郡致緩師期追還之以世良屈烈總兵進討以耶律  
德政爲遼興軍節度使蕭年骨烈天城軍節度使李仲舉  
奉詔賻恤其家六月庚戌上拜日如禮以麻都骨世勲易  
衣馬爲好以上京留守耶律八哥爲北院樞密副使秋七  
月上又拜日遂幸秋山自八月射鹿至于九月復自癸丑  
至于辛酉連獵于有栢碎石大保響應松山諸山丁卯與  
夷离畢兵部尚書蕭榮寧定爲交契以重君臣之好丙子  
以旗鼓拽刺詳穩題里姑爲六部奚王冬十月駐蹕撻刺  
割瀨十一月庚申詔汰東京僧及命上京中京洎諸宮選  
精兵五萬五千人以備東征十二月南巡海徼還幸顯州

五年春正月丁未北幸庚戌耶律世良蕭屈烈與高麗戰于郭州西破之斬首數萬級盡獲其輜重乙卯師次南海軍耶律世良薨于軍癸酉駐蹕雪林二月己卯阻卜長來朝辛巳如薩堤濼庚寅以前東京統軍使耶律韓留爲右夷离畢戊戌皇子宗真生三月乙卯鼻骨德長撒保特賽刺等來貢辛酉諸道獄空詔進階賜物丙寅以前北院大至耶律敬溫爲阿扎割只辛未党項魁可來降夏四月乙亥振招州民戊寅以左夷离畢蕭合卓爲北院樞密使曷魯寧爲副使庚辰清暑孤樹淀五月甲子尚書蕭姬隱坐出使後期削其官丁卯以耿元吉爲戶部使六月以政事舍

人吳克昌按察霸州刑獄丁丑四鵲獻孔雀秋七月甲辰獵于赤山八月丙子幸懷州有事于諸陵戊寅還上京九月癸卯皇弟南京留守秦晉國王隆慶來朝上親出迎勞至實德山因同獵于松山乙丑駐蹕杏塢冬十月甲午封秦晉國王隆慶長子查割中山郡王次子遂哥樂安郡王壬月辛丑以參知政事馬保忠同知樞密院事監修國史丁巳以北面林牙蕭隈汪爲國舅詳穩十二月乙酉秦魯國王隆慶還至北安薨訃聞上爲哀慟輟朝七日丁酉宋遣張遜王承德來賀千齡節是歲放進士孫傑等四十八人及第

六年春正月癸卯如錐子河二月甲戌以公主賽哥殺無  
罪婢駙馬蕭圖王不能齊家降公主爲縣主削圖王同平  
章事丑詔國舅帳詳穩蕭隗注將本部兵東征高麗其  
國舅司事以都監攝之庚辰以南面林牙涅合爲南院大  
王三月乙巳如顯州葬秦晉國王隆慶有事于顯乾二陵  
追州隆慶爲太弟夏四月辛卯封隆慶少子謝家奴爲長  
以郡王以樞密使潦水郡王耶律制心權知諸行宮都部  
署事壬辰禁命婦再醮丙申如涼陁五月戊戌朔樞密使  
蕭合卓爲都統漢人行宮都部署王繼忠爲副殿前都點  
檢蕭屈烈爲都監以伐高麗翌日賜合卓劍俾得專殺丙

午錄四巳酉設四帳都詳穩甲寅以南京統軍使蕭惠爲  
右夷离畢乙卯祠木葉山潢河乙丑駐蹕九層臺六月戊  
辰朔德妃蕭氏賜死葬兔兒山西後數日大風起塚上書  
撰大雷電而雨不止者踰月是月南京諸縣蝗秋七月辛  
亥如秋山遣禮部尚書劉京翰林學士吳叔達知制誥仇  
正已起居舍人程翥吏部員外郎南承顏禮部員外郎王  
景運分路按察刑獄辛酉以西南路招討請置寧仁縣于  
勝州九月庚子還上京以皇子屬思生大赦丁未以駙馬  
蕭璉節度使化哥知制誥仇正已楊佖充賀宋生辰正旦  
使副乙卯蕭合卓等攻高麗興化軍不克還師冬十月丁

卯南京路饑輓雲應朝弘等州粟振之辛未獵鐔子河庚寅駐蹕達離山十一月乙卯建州節度使石匡弼卒十二月丁卯上輕騎還上京戊子宋遣李行簡張信來賀正齡節翌日宋馮元張綸來賀正旦

本紀第十五





本紀第十六

遼史十六

開府儀同三司柱國錄事國軍事中書右丞相監修國史領經筵事都總裁臣脫脫奉勅修

聖宗七

七年春正月甲辰如達離山二月乙丑朔拜日如渾河三月辛丑命東北越里篤剖阿里奧里米蒲奴里鐵驪等五部歲貢貂皮六萬五千馬三百丙午烏古部節度使蕭普達討叛命敵烈滅之夏四月拜日丙寅振川饒二州饑辛未振中京貧乏癸酉禁匿名書壬辰以三司使呂德懋爲樞密副使閏月壬子以蕭進忠爲彰武軍節度使兼五州

制置戊午吐蕃王并里尊奏凡朝貢乞假道夏國從之五月丙寅皇子宗真封梁王宗元永清軍節度使宗簡右衛大將軍宗愿左驍衛大將軍宗偉右衛大將軍皇姪宗範昭義軍節度使宗熙鎮國軍節度使宗亮絳州節度使宗弼濮州觀察使宗奕曹州防禦使宗顯宗蕭皆防禦使以張儉守司徒兼政事令丙申品打魯瑰部節度使勃魯申至鼻洒河遇微雨忽天地晦冥大風飄四十三人飛旋空中良久乃墮數里外勃魯里辛獲免一酒壺在地乃不移八月丙午行大射柳之禮庚申以耶律留寧吳守達使宋加賀生辰蕭高九馬貽謀使宋賀正加平章蕭弘義開府

儀同三司尚父兼政事令秋七月甲子詔翰林待詔陳升  
寫帝征得勝圖于上京五鸞殿丁卯蒲奴里部來貢九月  
庚申蒲耽國使奏本國與烏里國封壤相接數侵掠不寧  
賜詔諭之戊辰詔内外官因事受賕事覺而稱子孫僕從  
者禁之庚午錄囚括馬給東征軍是月駐蹕土河川冬十  
月名中京新建二殿曰延慶曰永安壬寅以順義軍節度  
使石用中爲漢人行宮都部署丙辰詔以東平郡王蕭排  
押爲都統殿前邵點檢蕭虛列爲副統東京留守耶律八  
哥爲都監伐高麗仍諭高麗守吏能率衆自歸者厚賞堅  
壁相拒者追悔無及十一月壬戌以呂德懋知吏部尚書

楊人玄知詳覆院劉晟爲霸州節度使北府宰相劉慎行爲彰武軍節度使庚辰禁服用明金縷金貼金戊子幸中京十二月丁酉宋遣呂夷簡曹瑋來賀千齡節是月蕭排押等與高麗戰于茶陀二河遼軍失利天雲右皮室二軍沒溺者衆遙輦帳詳穩阿果達客省使酌古渤海詳穩高清明天雲軍詳穩海里等皆死之放進士張克恭等三十七人及第

八年春正月宋遣陳堯佐張群來賀壬戌鐵驪來貢建景宗廟于中京封沙州節度使曹順爲燉煌郡王二月丁未以前南院樞密使韓慤爲中京留守漢人行宮都部署王

繼忠南院樞密使丙辰祭風伯三月己未以契丹弘義宮使赫石爲興聖宮都部署前遙恩拈部節度使控骨里積慶宮都部署左祗候郎君耶律罕四捷軍都監乙亥東平王蕭韓寧東京留守耶律八哥國舅平章事蕭排押林牙婁只等討高麗還坐失律數其罪而釋之己卯詔加征高麗有功渤海將校宮壬午閱飛龍院馬癸未回跋部太師踏刺葛來貢丙戌置東京渤海承奉宮都知押班夏四月戊子朔如緬山五月壬申以駙馬蕭克忠爲長寧軍節度使乙亥遷寧州渤海戶子遼土二河之間己卯曷蘇館惕隱阿不葛宰相賽刺來貢六月戊子錄征高麗戰歿將校

子弟已丑以左夷离畢蕭解里爲西南面招討使御史大夫蕭要只爲夷离畢已亥惕隱耶律合葛爲南府宰相南面林牙耶律韓留爲惕隱癸卯強大擺山猿嶺採木之禁乙巳以南皮室軍校等討高麗有功賜金帛有差秋七月己未征高麗戰歿諸將詔益封其妻庚申以東北路詳穩耶律獨迭爲北院大王辛酉有里涅哥二奚軍征高麗有功皆賜金帛癸亥詔阻卜依舊歲貢馬千七百駝四百四十貂鼠皮萬青鼠皮二萬五千戊辰觀稼己巳回跋部太保麻門來貢庚午觀市曲赦市中繫囚命解寧馬翼充賀宋生辰使副八月庚寅遣郎君曷不呂等率諸部兵會大

軍討高麗九月己巳以石用中叅知政事宋遣崔遵度王  
應昌來賀千齡節壬申錄囚甲戌復錄囚庚辰曷蘇館惕  
隱阿不割來貢壬午駐蹕土河川冬十月乙酉詔諸道事  
無巨細已斷者每三月一次條奏戊子遣耶律繼崇鄭玄  
璚賀宋正旦癸巳詔橫帳三房不得與卑小帳族爲婚凡  
嫁娶必奏而後行癸卯以前北院大王建福爲阿扎割只  
甲辰改東路耗里太保城爲咸州建即以領之十一月甲  
寅置雲州宣德縣十二月辛卯駐蹕中京乙巳以廣平都  
王宗業爲中京留守大定尹韓懋爲惕隱辛亥高麗王詢  
遣使乞貢方物詔納之



九年春正月宋遣劉平張元普來賀二月如駕鵞瀛五月  
庚午耶律資忠使高麗還王詢表請稱藩納貢歸所留王  
人只刺里只刺里在高麗六年忠節不屈以爲林牙辛未  
遣使釋王詢罪並允其請癸酉以耶律宗教檢校太傅宗  
誨啓聖軍節度使劉晟太子太傅仍賜保節功臣秋七月  
庚戌朔日有食之詔以近臣代拜敕日甲寅遣使賜沙州  
回鶻燉煌郡王曹順衣物以查刺耿元吉韓九宋璋爲來  
年賀宋生辰正旦使副九月戊午以駙馬蕭紹宗平章事  
丁卯文武百僚奉表上尊號不許表三上廼從之乙亥沙  
州回鶻燉煌郡王曹順遣使來貢括諸道漢民馬賜東征

軍以夷离畢延寧爲兵馬副都部署總兵東征是月駐蹕  
金鉞濼宋遣宋綬駱繼倫賀千齡節冬十月戊寅以涅里  
爲奚王都監突迭里爲北王府舍利軍詳穩郎君老使沙  
州還詔釋宿累國家舊使遠國多用犯徒罪而有才略者  
使還即除其罪戊子西南招討奏党項部有宋犀族輸貢  
不時常有他意宜以時遣使督之詔曰邊鄙小族歲有常  
貢邊臣驕縱徵歛無度彼懷懼不能自達耳第遣清慎官  
將示以恩信無或侵漁自然效順復奏諦居迭列德邵言  
節度使韓留有惠政今當代請留上命進其治狀辛丑如  
中京壬寅大食國遣使進象及方物爲子冊割請婚十一

通鑑卷一百一十五  
月丁巳以潞水郡王韓慤爲南京留守析津尹兵馬都  
總管己未以夷離畢蕭孝順爲南面諸行宮都部署加左  
僕射十二月丁亥禁僧然身煉指戊子詔中京建太祖廟  
制度祭器皆從古制乙巳詔來年冬行大冊禮放進士張  
仲舉四十五人

太平元年春正月丁丑朔宋使魯宗道成吉來賀如渾河  
二月乙卯幸鉞河壬戌獵高柳林三月戊戌皇子勅已只  
生庚子駙馬都尉蕭紹業建私城賜名睦州軍曰長慶是  
月大食國王復遣使請婚封王子班郎君胡思里女可老  
爲公主嫁之夏四月戊申東京留守奏女直三十部酋長

請各以其子詣闕祗候詔與其父俱來受約乙卯錄囚丁  
卯置萊州是月清暑緬山秋七月甲戌朔賜從獵女真人  
秋衣乙亥遣骨里取石晉所上玉璽于中京阻卜來貢辛  
巳如沙嶺是月獵潢河九月辛中京冬十月丁未敵烈酋  
長頗白來貢馬駝戊申錄囚壬子宋使李懿王仲賓來賀  
千齡節及蘇惟用周鼎賀來歲元正即遣蕭善程翥報聘  
党項長曷魯來貢己未以薩敏解里爲都點檢高六副點  
檢耶律羅漢如左皮室詳穩絜姑右皮室詳穩聊了西北  
路金吾耶律僧隱御史大夫求哥駙馬都尉蕭春骨里並  
大將軍庚申辛通天觀觀魚龍曼衍之戲翌日再幸還升

王輅自內三門入萬壽殿奠酒七廟御容因宴宗室十一月癸未上御昭慶殿文武百僚奉冊上尊號曰睿文英武遵道至德崇仁廣孝功成治定昭聖神贊天輔皇帝大赦改元太平中外官進級有差宋遣使來聘夏高麗遣使來貢甲申冊皇子梁王宗真爲皇太子

二年春正月如納水鉤魚二月辛丑朔駐蹕魚兒樂三月甲戌如長春州丁丑宋使薛貽廓來告宋主恒殂子禎嗣位遣都點檢耶律僧隱等充宋祭奠使副林牙蕭日新觀察馮延休充宋后弔慰使副戊寅遣金吾耶律諧領引進姚居信充宋主弔慰使副戊子爲宋主飯三京僧是月地

震雲應二州屋摧地陷崑白山裂數百步泉湧成流夏四月如緬山清暑五月乙亥朔叅知政事石用中薨庚辰鐵驪遣使獻元惹十六戶六月乙未宋遣使薛由等來饋其先帝遺物秋七月己卯以耶律信寧爲奉陵軍節度使高麗國叅知政事王同顯靜海軍節度使耶律遂忠長寧軍節度使耿延毅昭德軍節度使高守貞河西軍節度使九月癸巳遣尚書僧隱韓格賀宋主即位壬寅遣掌後官張克恭充賀夏國王李德昭生日使耶律掃古韓王充賀宋太后生日使副耶律仙寧史克忠充賀宋正旦使副是月駐蹕胡魯古思浞冬十月癸卯朔賜宰臣呂德懋叅知政

事吳叔達樞密副使楊又玄右丞相馬保忠錢物有差辛  
亥至上京曲赦畿內囚十一月丙戌宋遣使來謝十二月  
辛丑高麗王詢薨其子欽遣使來報即命使冊欽爲高麗  
國王甲寅宋遣劉燁郭志言來賀千齡節是年放進士張  
漸等四十七人

三年春正月丙寅朔如納水鉤魚以僧隱爲平章事乙亥  
以蕭臺德爲南王府都監林牙耶律信寧西北路招討都  
監辛巳賜越國公主私城之名曰懿州軍曰慶懿二月丙  
申以丁振爲武信軍節度使改封蘭陵郡王戊申以東平  
郡王蕭排押爲西南面都招討進封幽王夏四月以耶律

守寧爲都點檢五月清暑緬山六月戊申以南院宣徽使  
劉涇叅知政事蕭孝惠爲副點檢蕭孝恭東京統軍兼沿  
邊巡檢使戊午以蕭璉爲左夷萬畢蕭琳爲詳穩秋七月  
戊寅以南府宰相耶律合葛爲上京留守封漆水郡王丙  
戌以皇后生辰爲順天節丁亥賜緬山名曰永安是月獵  
赤山閏月壬辰以蕭伯達韓紹雍充賀宋正旦使副唐骨  
德程昭文賀宋生辰使副冬十月庚辰宋遣薛奎郭盛來  
賀順天節王臻慕容惟素賀千齡節東征軍奏統帥詣領  
常袞課奴率師自毛母國嶺入林牙高九裨將大匡逸等  
率師鼓山嶺入閏月末至撻離河不遇敵而還以是月會



於弘怕只嶺馳馬死者甚衆駐蹕遼河十一月辛卯朔以  
皇姪宗範爲歸德軍節度使北府宰相蕭孝穆南京留守  
封燕王南京留守韓愬南院大王兵馬都總管仇正燕  
京轉運使十二月壬戌以宗範爲平章事封三韓郡王仇  
道衡中京副留守馮延休順州刺史郎玄化西山轉運使  
趙其樞密直學士丁卯以蕭永爲太子太師己卯封皇子  
重元秦國王

四年春正月庚寅朔宋遣張傳張士禹程琳丁保衡來賀  
如鴨子河二月己未獵撻魯河詔改鴨子河曰混同江撻  
魯河曰長春河三月戊子千齡節詔賜諸宮分耆老食夏

四月癸酉以右丞相馬保忠之子世弘使嶺表至平地松  
林爲盜所殺特贈昭信軍節度使五月清暑永安山己未  
南院大王韓愬薨戊辰以鄭弘節爲兵部郎中劉慎行  
順義軍節度使辛未以燕王蕭孝穆子順爲千牛衛將軍  
甲戌以中山郡王查哥爲保靜軍節度使樂安郡王遂哥  
廣德軍節度使蕭解里彰德軍節度使庚辰以遼興軍節  
度使周王胡都古爲臨海軍節度使涿水郡王敵烈南院  
大王秋七月如秋山八月丙辰以韓紹芳爲樞密直學士  
駙馬蕭匹敵都點檢九月以駙馬蕭紹宗爲定武軍節度  
使耶律宗福安國軍節度使冬十月駐蹕遼河宋遣蔡齊

李用和來賀平齡節十一月追封南院大王韓制心為陳  
王十二月以蕭從政為歸義軍節度使康筠監門衛充軍  
宋正旦使副是年放進士李燭等四十七人

本紀第十六

本紀第十七

遼史十七

開府儀同三司柱國錄軍國重事忠肅王丞相兼樞密院事都統兼臣脫脫奉

勅修

聖宗八

五年春正月乙酉如混同江二月戊午禁天下服用明金  
及金線綺國親當服者奏而後用是月如魚兒濼三月壬  
辰以左丞相張儉爲武定軍節度使同政事門下平章事  
鄭弘節臨潢少尹劉慎行遼興軍節度使武定軍節度使  
蕭匹敵契丹行官都部署樞密副使楊又玄吏部尚書叅  
知政事兼樞密使是月如長春河魚兒濼有聲如雷其水

一夕越沙岡四十里別爲一陂夏五月清暑永安山以蕭  
從順爲太子太師吳叔達翰林學士遣去馮若谷加太子  
中允耶律晨武定軍節度使張儉彰信軍節度使呂崇  
禮部員外郎李奇舉順義軍節度使秋七月獵平地松林  
九月駐蹕南京己亥以蕭迪烈李紹琪充賀宋太后生辰  
使副耶律守寧劉四端充賀宋主生辰使副冬十月辛未  
宋太后遣馮元宗史方來賀順天節十一月庚子幸內果  
園宴京民聚觀求進士得七十二人命賦詩第其工拙以  
張昱等一十四人爲太子校書郎韓藥等五十八人爲崇  
文館校書郎辛丑以左祗候郎君詳穩蕭羅羅爲右夷闕

畢十二月丁巳以漢人行宮都部署蕭孝先爲上京留守  
皇姪長沙郡王謝家奴匡義軍節度使耶律仁舉興國軍  
節度使甲子蕭守寧爲點檢侍衛親軍馬步軍乙丑北院  
樞密使蕭合卓薨十二月戊辰以北府宰相蕭普古爲北  
院樞密使己巳遣蕭諧李琪充賀宋正旦使副庚午以叅  
知政事劉京爲順義軍節度使乙亥宋使李維張綸來賀  
千齡節是歲燕民以年穀豐熟車駕臨辛卯以土物來獻  
上禮高年惠鰥寡賜酺飲至夕六街鐙火如晝士庶嬉遊  
上亦微行觀之丁丑禁工匠不得銷毀金銀器

六年春正月己卯朔宋遣徐奭裴繼起張若谷崔準來賀

庚辰如鴛鴦濼二月己酉以迷離已同知樞密院黃翮爲  
兵馬都部署達骨只副之赫石爲都監引軍城混同江踈  
木河之間黃龍府請建堡障三烽臺十詔以農隙築之東  
京留守八哥奏黃翮領兵入女直界徇地俘獲人馬生豕  
不可勝計得降戶二百七十詔獎諭之戊午以耶律野爲  
副點檢以國舅帳蕭柳氏徒魯骨領西北路十二班軍奚  
王府舍利軍已巳南京水遣使振之庚午詔党項別部塌  
西設契丹節度使治之三月戊寅以大同軍節度使張儉  
入爲南院樞密使左丞相兼政事令叅知政事吳叔達責  
授將作少監出爲東州刺史是月阻卜來侵西北路招討

使蕭惠破之夏四月丁未朔以武定軍節度使耶律漢古  
爲惕隱戊申蒲盧毛朶部多兀惹戶詔索之丙寅如永安  
山五月辛卯以東京統軍使蕭慥古爲契丹行宮都部署  
癸卯遣西北路招討使蕭惠將兵伐甘州回鶻六月辛丑  
詔凡官畜並印其左以職之秋七月戊申獵黑嶺八月蕭  
惠攻甘州不克師還自是阻卜諸部皆叛遼軍與戰皆爲  
所敗監軍涅里姑國舅帳太保曷不呂死之詔遣惕隱耶  
律洪古林牙化哥等將兵討之九月駐蹕遼河許冬十月  
丙子曷蘇館諸部長來朝庚辰遣使問夏國五月與宋交  
戰之故辛巳以前南院大王直魯袞爲烏古敵烈都詳穩



庚寅以蕭孝順蕭紹宗兼侍中駙馬蕭紹業平章政事前  
南院大王胡覲董同知上京留守安哥通化州節度使乙  
丑宋遣韓翼田承說來賀順天節十一月戊辰西北路招  
討司小校掃姑訴招討蕭惠三罪詔都監奧骨禎按之十  
二月庚辰曷蘇館部乞建旗鼓訴之辛巳詔北南諸部廉  
察州縣及石烈彌里之官不治者罷之詔大小職官有貪  
暴殘民者立罷之終身不錄其不廉直雖處重任即代之  
能清勤自持者在卑位亦當薦拔其內族受賂事發與常  
人所犯同科戊戌遣杜防蕭蘊充賀宋生辰使副庚子駐

蹕遼河

七年春正月壬寅朔宋遣張保維孫繼業孔道輔馬崇奎  
來賀如混同江辛亥以女直白縷爲惕隱蒲馬爲巖母部  
太師甲寅蒲盧毛朶部遣使來貢夏四月乙未獵黑嶺五  
月清暑永安山西南路招討司奏陰山中產金銀請置冶  
從之復遣使遁遼河源求產金銀之州六月禁諸屯田不  
得擅貨官粟癸巳詔蕭惠再討阻卜秋七月己亥朔詔更  
定法令庚子詔諭駙馬蕭鋹不公主粘米袞爾於后有父  
母之尊后或臨幸祇謁先祖祇拜空帳失致敬之禮今後  
可設像拜謁乙巳詔輦路所經旁三十步內不得耕種者  
不得訴訟之限九月駐蹕遼河冬十月丁卯朔詔諸張院

庶孽並從其母論貴賤十一月宋遣石中立石貽縣來賀  
千齡節王博文王雙賀順天節辛亥以楊又玄邢祥知貢  
舉乙未匡義軍節度使中山郡王查葛保寧軍節度使長  
沙郡王謝家奴廣德軍節度使樂安郡王遂哥奏各將之  
官乞選伴讀書史從之癸亥以三韓王欽爲啓聖軍節度  
使楊佺刑部侍郎甲子以左千牛衛上將軍耶律古昱爲  
北院大王十二月丁卯遣耶律遂英王永錫充賀宋太后  
生辰蕭速撒馬保充賀正旦使副癸酉以金吾蕭高六  
爲奚舍利軍詳穩

八年春正月己亥如混同江庚申党項侵邊破之甲子詔

州縣長吏勸農三月戊子燕京留守蕭孝穆乞于拒馬河  
接宋境上置戍長城察詔從之三月駐蹕長春河夏青  
清暑永安山六月以韓寧劉湘女賀宋太后生辰使劉昊  
克荷充賀夏國王李德昭生辰使癸巳權北院大王耶律  
鄭公奏今歲十一月皇太子納妃諸族備會親之帳詔以  
豪盛者三十力給其費秋七月丁酉以遙輦帳郎君陳哥  
爲西北路巡檢與蕭誼領同管二招討地以南院大王耶律  
敵烈爲上京留守戊戌獵平地松林九月壬辰朔以渤海  
宰相羅漢權東京統軍使季幸中京北敵烈部節度  
使耶律延壽請視諸部賜旗鼓詔從之癸丑阻卜別部長

胡懶來降乙卯阻卜長壽古來降冬十月宋遣唐肅葛懷  
愍來賀順天節樞密使魏王耶律斜軫孫婦阿朐指斥乘  
輿其孫骨欲爲之隱事覺乃并坐之仍籍其家詔燕城將  
士若敵至總管備城之東南統軍守其西北馬步軍備其  
野戰統軍副使繕壁壘課士卒各練其事十一月丙申皇  
太子納妃蕭氏以耶律求翰爲北院大王冬十二月辛酉  
朔以遙輦太尉謝佛留爲天雲軍詳穩壬申以爲北院大  
王耶律留寧爲雙州節度使康筠崇德宮都部署謝十求  
興宮都部署旅墳宜州節度使■菴遼州節度使耶律同  
知中京留守耶律曷魯突媿爲大將軍丁丑詔庶孽雖已

爲良不得預世選丁亥宋遣寇瑛康德來賀千齡節朱諫  
曹英張逸劉永釗賀來歲兩宮正旦詔兩國舅及南北王  
府乃國之貴族賤庶不得任本部官是歲放進士張宥等  
五十七人

九年春正月至自中京二月戊辰遣使賜高麗王欽物如  
幹凜河夏五月清暑永安山六月戊子以長沙郡王謝家  
奴爲廣德軍節度使樂安郡王遂哥臣義軍節度使中山  
郡王查葛保定軍節度使進封潞王豫章王貼不長寧軍  
節度使以耶律思忠耶律荷耶律高遙拜軍謝佛留陳遼韓  
紹一韓知白張震充賀宋兩宮生辰及來歲正旦秋七月

戊午朔如黑嶺八月己丑東京舍利軍詳穩大延琳囚留  
守駙馬都尉蕭孝先及南陽公主殺戶部使韓紹勳副使  
王嘉四捷軍都指揮使蕭頗得延琳遂僭位號其國爲興  
遼年爲天慶初東遼之地自神冊來附未有權醕鹽麴之  
法關市之征亦甚寬弛馮延休韓紹勳相繼以燕地平山  
之法繩之民不堪命燕又仍歲大饑戶部副使王嘉復獻  
計造船使其民諳海事者漕粟以振燕民水路艱險多至  
覆沒雖言不信鞭撻掠掠民怨思亂故延琳乘之首殺紹  
勳嘉以快其衆延琳先事與副留守王道平謀道平夜棄  
其家踰城走與延琳所遣力黃龍府黃翩者俱至行在告

變上即徵諸道兵以時進討時國舅詳穩蕭匹敵治近延  
琳先率本管及家兵擣其要害絕其西渡之計渤海太保  
夏行美亦舊主兵戍保州延琳密馳書使圖統帥耶律蒲  
古行美乃以實告蒲古得書遂殺渤海兵八百人而斷其  
東路延琳知黃龍保州皆不附遂分兵西取瀋州其節度  
使蕭王六初至其副張傑聲言欲降故不急攻及知其詐  
而已有備攻之不克而還時南北女真皆從延琳高麗亦  
稽其貢及諸道兵次第皆至延琳嬰城固守冬十月丙戌  
朔以南京留守燕王蕭孝穆爲都統國舅詳穩蕭匹敵爲  
副統奚六部大王蕭蒲奴爲都監以討之十一月乙卯朔



如顯陵丙寅以瀋州節度副使張傑爲節度使其皇城進士張人紀趙睦等二十二人入朝試以詩賦皆賜第超授保州戍將夏行美平章事壬申以駙馬劉四端權知宣徽南院事十二月丁未宋遣仇永韓永錫來賀千齡節耶律育吳克荷蕭哥觀趙利用充賀宋生辰使副耶律元吉崔閏蕭昭古竇振充來歲賀宋正旦

十年春正月己卯朔宋遣王夷簡竇勣約張易張圭宜來賀二月幸龍化州三月甲寅朔詳穩蕭匹敵至自遼東言都統蕭孝穆去城四面各五里許築城堡以圍之駙馬延寧與其妹穴地道去惟公主崔八在後爲守俾者覺而止

夏四月如乾陵以耶律行平爲廣平軍節度使夏行蓋  
中順軍節度使李延弘知易州蕭從順加太子太師五月  
戊申清暑栢坡秋七月壬午詔來歲行貢舉法八月丙午  
東京賊將楊詳晝密送款夜開南門納遼軍擒延琳渤海  
平冬十月駐蹕長寧淀十一月辛亥南京留守燕王蕭孝  
穆以東征將士凱還戎服見上上大加宴勞翌日以孝穆  
爲東平王東京留守國舅詳穩駙馬都尉蕭匹敵封蘭陵  
郡王奚王蒲奴加侍中以權燕京留守兼侍中蕭惠爲燕  
京統軍使前統軍委宍大將軍節度使宰相兼樞密使馬  
保忠權知燕京留守奚王府都監蕭阿古軫東京統軍使

遼紀十七  
詔渤海舊族有勲勞材力者叙用餘分居來陽遷閑霽兩  
十二月乙巳宋遣梅詢王令傑來賀千齡節漆水郡王耶  
律敵烈加尚父烏古部節度使蕭普達爲乙室部大王尚  
書左僕射蕭琳爲臨海軍節度使

十一年春正月己酉朔如混同江二月如長春河三月上  
不豫夏五月大雨水諸河橫流皆失故道六月丁丑朔駐  
蹕大福河之北己卯帝崩于行宮年六十一在位四十九  
年景福元年閏十月壬申上尊謚曰文武大孝宣皇帝廟  
號聖宗

贊曰聖宗幼冲嗣位政出慈闈及宋人一道來攻親御甲

胄一舉而復燕雲破信彬再舉而躡河朔不亦他歟旣而  
侈心一啓佳兵不祥東有有陀之敗西有甘州之喪此徂  
於常勝之過也然其踐阼四十九年理冤滯舉才行察貪  
殘抑奢僭錄死事之子孫振諸部之貧乏責迎合不忠之  
罪却高麗女樂之歸遼之諸帝在位長久令名無窮其唯  
聖宗乎

本紀第十七



本紀第十八

遼史十八

開府儀同三司上柱國錄軍國重事中書省丞相監修國史領經筵事都總裁臣脫脫奉

勅修

興宗一

興宗神聖孝章皇帝諱宗真字夷不董小字只骨聖宗長子母曰欽哀皇后蕭氏上始生齊天皇后取養之幼而聰明長而魁偉龍顏日角豁達大度善騎射好儒術通音律三歲封梁王太平元年冊爲皇太子十年六月判北南院樞密使事十一年六月己卯聖宗崩即皇帝位於柩前壬午尊母元妃蕭氏爲皇太后甲申遣使告哀于宋及夏高

麗是年御宣政殿放進士劉貞等五十七人辛卯大赦改  
元景福乙未奉大行皇帝梓宮殯于永安山太平殿辛丑  
皇太后賜駙馬蕭玘不里蕭匹敵死圍場都太師女直著  
骨里右祗候郎君詳穩蕭延留等七人皆棄市籍其家遷  
齊天皇后于上京秋七月丙午朔皇太后率皇族大臨于  
太平殿高麗遣使弔慰上召晉王蕭普古等飲博夜分乃  
罷丁未擊鞠戊申以耶律韓八爲左夷离畢特末里爲左  
祗候郎君詳穩橫帳郎君樂古權右祗候郎君詳穩巴酉  
以耶律鄭留爲千厥迪烈都詳穩高八爲右皮室詳穩庚  
戌振薊州民饑癸丑詔馮大行皇帝御容甲寅錄囚以觀

寮姚居信爲上將軍建慶州于慶陵之南徙民實之充奉  
陵邑乙卯以比歲豐稔罷給東京統軍司糧丁巳上謁大  
行皇帝御容哀慟久之因詔寫北府宰相蕭孝先南府宰  
相蕭孝穆象于御容殿以蕭阿姑軫爲東京留守丁卯謁  
太平殿焚先帝所御弓矢幸晉王普古第視疾辛未錄囚  
壬申上謁神主帳時奧隈蕭氏始入宮亦命拜之八月壬  
午遷大行皇帝梓宮於敢塗殿九月戊申躬視慶陵庚戌  
問安于皇太后辛亥宋遣王隨曹儀致祭王驤許懷信梅  
詢張綸來慰兩宮范諷孫繼業賀即位孔道輔魏昭文賀  
皇太后冊禮戊午焚弧矢鞍勒于敢塗殿庚申夏國遣使



來慰庚午以宋使弔祭喪服臨歆塗殿甲戌遣御史中丞  
耶律蕭司農卿張確詳穩耶律勵四方館使高維翰謝宋  
弔慰冬十月戊寅宰臣呂德懋薨癸未殺鉏不里黨彌勒  
奴觀音奴等丙戌遣工部尚書高德順崇祿卿李可封致  
先帝遺物于宋以右領軍衛上將軍耶律遜少府監馬憚  
充皇太后謝宋使丁酉夏國遣使來賻戊戌以蕭革趙爲  
求充皇帝謝宋使丁酉夏國遣使來賻戊戌以蕭革趙爲  
果耶律郁馬保業充來歲賀宋正旦使閏月辛亥謁歆塗  
殿閱玄宮闕器有司請以生辰爲求壽節皇太后生辰爲  
應聖節從之辛酉闕新造鎧甲丁卯振黃龍府饑民十一

月壬辰上率百僚奠于敢塗殿出大行皇帝服御玩好焚  
之縱五坊鷹鷂甲午葬文武大孝宣皇帝于慶陵乙未祭  
天地問安皇太后丙申謁慶陵以遺物賜群臣名其山曰  
慶雲殿曰望仙十二月癸丑至自慶陵皇太后聽政帝不  
親庶務群臣表請不從是歲以興平公主下嫁夏國王李  
德昭于元昊以元昊爲夏國公駙馬都尉

重熙元年春正月壬申朔皇太后御正殿受帝與群臣朝  
宋遣任布王遵範陳琰王克善來賀乙亥宋遣鄭向郭遵  
範來賀永壽節丁丑如雪林二月大蒐三月壬申朔尚父  
添水郡王敵烈復爲惕隱是春皇太后誣齊天皇后以罪

遣人即上京行弒后請具浴以就死許之有頃后崩夏四月乙巳清暑別輦斗秋七月獵平地松林以蕭達溥王英秀蕭麓張素羽充來歲賀宋正旦生辰使八月丙午駐蹕刺河源皇子洪基生冬十月己酉幸中京十一月己卯帝率群臣上皇太后尊號曰法天應運仁德章聖皇太后群臣上皇帝尊號曰文武仁聖昭孝皇帝大赦改元重熙癸未宋遣劉隨王德本來賀應聖節以楊佖爲翰林承旨丙戌夏國遣使來賀辛卯五國酋長來貢夏國王李德昭薨冊其子夏國公元昊爲夏國王十二月庚戌宋遣胥偃王從益崔暨張懷志來賀來歲正旦又遣楊日嚴王克纂來

賀宋壽節以北大王耶律求翰同平章事是年放進士劉師貞等五十七人

二年春正月庚辰東幸乙酉夏國遣使來貢壬辰女直詳穩臺押率所部來貢宋遣曹琮來告母后劉氏哀章得象安繼昌來饋母后遺物即遣興聖宮使耶律壽寧給事中知制誥李奎充祭奠使天德軍節度使耶律卿寧大理卿和道亨河西軍節度使耶律嵩引進使馬世卿充兩宮弔慰使秋七月甲子朔以耶律寔高升耶律迪王惟允充兩宮賀宋生辰使副以耶律師古劉五常充賀宋來歲三旦使副八月丁酉幸溫泉宮乙卯遣使闕諸路禾穡冬十一

月甲申宋遣劉寶符忠李昭述張茂實等來謝慰莫十二  
月乙未宋遣丁度王繼凝來賀應聖節己酉禁夏國使沿  
路私市金鐵甲寅宋遣章頻李懿王冲睦張緯李紘李繼  
一來賀求書節及來歲正旦庚申以北府宰相蕭孝先爲  
樞密使

三年春正月丁卯宋使章頻卒詔有司賻贈命近侍護喪  
以歸辛卯如春水二月壬辰以北院樞密使蕭普古爲東  
京留守戊申耶律大師奴有侍襁褓恩詔入屬籍夏四月  
甲寅振耶迷只部五月庚申朔清暑沿柳湖是月皇太后  
還政于上躬守慶陵六月己亥以蕭普古爲南院樞密使

秋七月戊子朔上始親政以耶律庶徵劉六符耶律睦薄  
可久充賀宋來歲正旦使副壬辰如秋山冬十月己未駐  
蹕中會川十二月宋遣段少連杜仁贊來賀來歲正旦揚  
偕李守忠來賀永壽節

四年春正月庚寅如耶迷只里三月乙酉朔立皇后蕭氏  
夏四月甲寅朔如涼陞五月庚子清暑散水源六月癸丑  
朔皇子寶信誕生以耶律信昌子宗蕭袞郭揆充賀宋生  
辰及來歲正旦使副秋七月壬午朔獵于黑嶺九月己酉  
駐蹕長寧淀冬十月如王子城十一月壬午改南京總管  
府爲元帥府乙酉行柴冊禮于白嶺大赦加尚父耶律信

通鑑卷之八  
三  
軍政事令耶律朮翰者宿贊翊功臣十二月癸丑詔諸軍  
砲弩弓劍手以時閱習庚申宋遣鄭戢柴貽範揚日華張  
士禹來賀永壽節及正旦

五年春正月甲申如魚兒濛樞密使蕭延寧請改國舅乙  
室小功帳敵史爲將軍從之四月庚申以潞王查葛爲南  
府宰相崇德官使耶律馬六爲惕隱甲子幸后弟蕭無曲  
第曲水泛觴賦詩丁卯頒新定條制已巳上與大臣分朋  
擊鞠五月甲午南幸丁未如胡土白山清暑庚申幸北院  
大之高十行帳拜奧賜銀絹壬戌詔修南京宮闕府署秋  
七月辛丑錄囚耶律把八誣其弟韓哥謀殺已有司奏當

反坐臨刑其第泣訴臣惟一兄乞貸其死上憫而從之九月癸巳獵黃花山獲熊三十六賞獵人有差冬十月丁未幸南京辛亥曲赦析津府境內囚壬子御元和殿以日射三十六熊賦幸燕詩試進士于廷賜馮立趙徽四十九人進士第以馮立爲右補闕趙徽以下皆爲太子中舍賜緋衣銀魚遂大宴御試進士自此始宋遣宋郊王卬文來賀求壽節甲子宰臣張儉等請幸禮部貢院歡飲至暮而罷賜物有差以耶律祥張素民耶律甫王澤充賀宋生辰正旦使副

六年春正月丁丑西幸三月戊寅以秦王蕭孝穆爲北院



樞密使徙封吳王晉王蕭孝先爲南京留守夏四月獵野狐嶺閏月獵龍門縣西山五月己酉清暑炭山以耶律韓八爲北院大王蕭把哥左夷離畢王子即君詳穩鼻姑得林牙簽北面事耶律涅哥同簽點檢司甲寅錄囚以南大王耶律信寧故匿重囚及侍婢賊污命撻以劍脊而奪其官都監坐阿附及侍婢罪皆論死詔貸之丙辰以耶律信寧爲西南路招討使庚申出飛龍廐馬賜皇太弟重元及北南面侍臣有差癸亥以上京留守耶律胡覲袞爲南大王平章事蕭查剌寧上京留守侍中管寧行宮都部署耶律蒲奴寧烏古迪烈得都詳穩甲子以上京留守耶律洪

古爲北院大王六月壬申朔以善寧爲殿前都點檢護衛  
太保耶律合住兼長寧宮使蕭阿剌里耶律烏魯幹耶律  
和尚蕭韓家奴蕭特里蕭求翰爲各官都部署上酒酣賦  
詩吳國王蕭孝穆北宰相蕭八撒等皆屬和夜中乃罷已  
卯祀天地癸未賜南院大王耶律胡覩袞命上親爲製諸  
詞并賜詩以寵之丙申以北院大王侯哂爲南京統軍使  
秋七月辛丑朔以北南樞密院獄空賞賚有差壬寅以皇  
太弟重元生子賜詩及寶玩器物曲赦死罪以下癸卯如  
秋山八月己卯北樞密院言越棘部民苦其酋帥坤長不  
法多流亡詔罷越棘等五國酋帥以契丹節度使一負領

之冬十月癸酉駐蹕石寶岡十一月己亥朔阻卜酋長來  
貢辛亥以契丹行宮都部署蕭惠爲南院樞密使壬子以  
管寧爲南院樞密使蕭掃古諸行宮都部署耶律裏里知  
南面行宮副部署蕭阿剌里左祗候郎君詳穩耶律曷主  
右祗候郎君詳穩庚申幸晉國公主行帳視疾封皇子洪  
基爲梁王十二月以楊佖爲忠順軍節度使遣耶律幹秦  
鑑耶律德崔繼芳賀宋生辰及正旦

七年春正月戊戌朔宋遣高若訥夏元正謝絳張茂實來  
賀正旦及永壽節辛丑如混同江二月庚午如春州乙亥  
駐蹕東川丁丑高麗遣使來貢壬午幸五坊閱鷹鷂乙酉

遣使慶州問安皇太后三月戊戌朔幸皇太弟重元行帳  
壬寅如蒲河淀辛亥夏國遣使來貢甲寅錄囚夏四月己  
巳以興平公主薨遣北院承旨耶律庶成持詔問夏國王  
李元昊公主生與元昊不睦沒詰其故己卯獵白馬場甲  
申射兔新淀并乙未獵金山遣楊家進鹿尾茸于大安宮  
六月乙亥御清涼殿試進士賜形彭年以下五十五人第  
秋七月甲辰錄囚乙巳阻卜酋長屯禿古斯來朝戊申如  
黑嶺九月丁未駐蹕平淀冬十月甲子朔渡遼河丙寅駐  
蹕白馬淀壬申錄囚十一月癸巳朔以耶律元方張泥韓  
至德肅傳充賀宋生辰正旦使副辛丑問安皇太后進珍

玩庚申錄因十二月召善擊鞠者數十人于東京令與近臣角勝上臨觀之已巳以皇太弟重元判北南院樞密使事北府宰相撤八寧再任兼知東京留守事耶律應穩南府宰相查割折大內惕隱乙室已帳蕭翰乾州節度使劉六符參知政事王子帳冠哥王子郎君詳穩鉏奢大王平州節度使宰臣張克恭司空宰臣韓紹芳加侍中惕隱耶律馬六北院宣徽使傅父耶律喜孫南府宰相癸未宋遣王舉正張士禹來賀永壽節甲申命日進酒于大安宮致薦慶陵子女錄囚非故殺者減科南面侍御壯骨里詐取女直貢物罪死上有吏能黥而流之

八年春正月壬辰朔宋遣韓琦王從益來賀丙申如混同  
江觀魚戊戌振品部庚戌又魚于率沒里河丁巳禁朔州  
鬻羊于宋二月丙子駐蹕長春河夏六月乙丑詔括戶口  
秋七月丁巳謁慶陵致奠于望仙殿迎皇太后至顯州謁  
園陵還京冬十月駐蹕東京十一月甲午詔有言北院處  
事失平擊鍾及邀駕告者悉以奏聞戊戌朝皇太后召僧  
論佛法戊申皇太后行再生禮大赦已酉城長春閏十二  
月壬辰視吳國王蕭孝穆疾宋遣龐籍杜贊來賀永壽節  
九年春正月丙辰朔上進酒于皇太后宮御正殿宋遣王  
拱辰彭再思來賀庚申如鴨子河二月駐蹕魚兒灤三月

辛未以應聖節大赦五月乙卯朔清暑永安山六月射柳  
祈雨秋七月癸酉宋遣郭禎以伐夏來報遣樞密使杜防  
報聘丁丑如秋山冬十月癸未朔駐蹕中會川十一月甲  
子女直侵邊發黃龍府鐵驪軍拒之宋遣蘇伸向傳範來  
賀應聖節十二月庚寅以北大王府布猥帳郎君自言先  
世與國聯姻許置敵史命本帳蕭胡覩爲之辛卯以所得  
女直戶置肅州以蕭迪劉三嘏耶律元方王惟吉耶律庶  
忠孫文昭蕭紹筠秦德昌充賀宋生辰及來歲正旦使副  
詔諸犯法者不得爲官吏諸職官非婚祭不得沉酗廢事  
有治民安邊之略者悉具以聞

本紀第十九

遼史十九

開府儀同三司在國錄國軍事中書右丞相修國史領經筵事都總裁臣脫脫奉

勅修

興宗二

十年春正月辛亥朔宋遣梁適張從一富弼趙日宣來賀  
甲子復遣吳育馮載來賀永壽節二月庚辰朔詔蒲盧毛  
朶部歸曷蘇館戶之沒入者使復業甲申北樞密院言南  
北二王府泊諸部節度侍衛祗候郎君皆出族帳旣免與  
戌戌邊其祗候事請亦得以部曲代行詔從其請夏四月  
詔罷修鴨綠江浮梁及漢兵屯戌之役又以東京留守蕭



撒八言弛東京擊鞠之禁六月戊寅以蕭寧耶律坦崔禹  
稱馬世良耶律仁先劉六符充賀宋生辰使副耶律庶成  
趙成耶律烈張旦充來歲賀宋正旦使副秋七月壬戌詔  
諸職官私取官物者以正盜論諸敢以先朝已斷事相告  
言者罪之諸帳郎君等於禁地射鹿決三百不徵償小將  
軍決二百以下及百姓犯者罪同郎君論八月丙戌以醫  
者鄧延貞治詳穩蕭留寧疾驗贈其父母官以獎之九月  
辛亥朝皇太后國舅留寧薨庚申皇太后射獲熊上進酒  
爲壽癸亥上獵馬孟山草木蒙密恐獵者誤射傷人命耶  
律迪姑各書姓名于矢以志之丙寅夏國獻宋俘以石礪

嘗太保郭三避虎不射免官冬十月丙戌詔東京留守蕭  
孝忠察官吏有廉幹清彊者具以名聞庚寅以女直太師  
臺押爲曷蘇館都大王辛卯以皇子胡盧幹里生北宰相  
駙馬撒八寧迎上至其第宴飲上命衛士與漢人角觥爲  
樂壬辰復飲皇太后殿以皇子生肆赦夕復引公主駙馬  
及內族大臣入寢殿劇飲甲午幸中京庚子以駙馬都尉  
蕭忽列爲國舅詳穩十一月丙辰回鶻遣使來貢十二月  
丙子朔宋遣劉沆王整來賀應聖節乙未置撻木不姑酋  
長以胡撻刺爲平章事上聞宋設關河治壕塹恐爲邊患  
與南北樞密具國王蕭孝穆趙國王蕭貴盛謀取宋舊割

關南十縣地遂遣蕭英劉六符使宋庚寅宋遣張沔侯宗  
亮薛申侍其澹施昌言潘永照來賀永壽節及來歲正旦  
以宣政殿學士楊佖爲吏部尚書判順度軍節度使事丁  
酉議伐宋詔諭諸道

十一年春正月戊申奉迎皇太后于內殿庚戌遣南院宣  
徽使蕭特末翰林學士劉六符使宋取晉陽及瓦橋以南  
十縣地且問興師伐夏及汾邊疏澹水澤增益兵戍之故  
二月壬寅如駕鵞瀼四月甲戌朔頒南征賞罰令六月乙  
亥宋遣富弼張茂實奉書來聘以書荅之壬午御含涼殿  
放進士王寔等六十四人禁氈銀鬻入宋秋七月壬寅朔

詔盜易官馬者減死論外路官勤瘁正直者考滿代不治  
事者即易之八月丙申宋復遣富弼張茂實奉書來聘乞  
增歲幣銀絹以書答之九月壬寅遣北院樞密副使耶律  
仁先漢人行宮副部署劉六符使宋約和是時富弼爲上  
言大意謂遼與宋和坐獲歲幣則利在國家臣下無與與  
宋交兵則利在臣下害在國家上感其言和好始定閏月  
癸未耶律仁先遣人報宋歲增銀絹十萬兩匹文書稱貢  
送至白溝帝喜宴群臣于昭慶殿是日振恤三父族之貧  
者辛卯仁先劉六符還進宋國誓書冬十一月丁亥群臣  
加上尊號曰聰文聖武英略神功睿哲仁孝皇帝冊皇后

蕭氏曰貞懿宣慈崇聖皇后大赦梁王洪基進封燕國王  
十二月癸卯朝皇太后甲辰封皇太弟重元子涅魯古爲  
安定郡王己酉以宣獻皇后忌日上與皇太后素服飯僧  
千延壽憫忠三學三寺辛亥詔蠲預脩伐宋諸部租稅一  
年壬子以吐渾党項多驚馬夏國詔謹邊防己未宋遣賀  
正旦及求壽節使居邸帝微服往觀丁卯禁喪葬殺牛馬  
及藏珍寶

十二年春正月辛未遣同知析津府事耶律敵烈樞密院  
都承旨王惟吉諭夏國與宋和壬申以吳國王蕭孝穆爲  
南院樞密使北府宰相蕭孝忠北院樞密使封楚王韓國

王蕭惠北府宰相同知元帥府事韓八南院大王耶律遼  
晒東京留守北院樞密副使耶律仁先同知東京留守事  
北面林牙蕭華北院樞密副使甲戌如武清寨葦淀二月  
壬寅禁關南漢民弓矢已酉夏國以加上尊號遣使來賀  
甲寅耶律敵烈等使夏國還奏元昊罷兵即遣使報宋三  
月辛卯幸南京壬辰高麗國以加上尊號遣使來賀夏四  
月己亥置回跋部詳穩都監庚子夏國遣使進馬馳五月  
辛卯幹魯蒲盧毛朶部二使來貢失期春而遣還乙未詔  
復定禮制是月幸山西六月丙午詔世選宰相節度使族  
屬反身爲節度使之家許葬用銀器仍禁殺牲以祭庚戌

詔漢人宮分戶絕恒產以親族繼之辛亥阻卜大王屯禿  
古斯第太尉撒葛里來朝丙辰回鶻遣使來貢甲子以南  
院樞密使吳國王蕭孝穆爲北院樞密使徙封齊國王秋  
七月丙寅朔北院樞密使蕭孝忠薨特釋繫囚庚寅夏國  
遣使上表請伐宋不從八月丙申謁慶陵辛丑燕國王洪  
基加尚書令知北南院樞密使事進封燕趙國王戊午以  
前西北路招討使蕭塔烈葛爲右夷离畢庚申干越耶律  
洪古薨甲子阻卜來貢九月壬申朝皇太后謁望仙殿壬  
午謁懷陵冬十月丁酉駐蹕中會川己亥北院樞密使蕭  
孝穆薨追贈太丞相晉國王庚子詔諸路上重囚遣官詳

獻辛亥叅知政事韓紹芳爲廣德軍節度使三司使劉六符長寧軍節度使壬子以夏人侵党項遣延昌宮使高家奴讓之甲子北府宰相蕭惠爲北院樞密使幽王遂哥爲惕隱惕隱敵魯古封添水郡王西北路招討使樞密副使蕭阿剌同知北院宣徽事出飛龍廐馬分賜群臣十一月丁丑追封楚王蕭孝忠爲楚國王丁亥以上京歲儉復其民租稅癸巳朝皇太后十二月戊申改政事省爲中書省十三年春正月甲子朔朝皇太后戊辰如混同江辛未獵兀魯館岡二月庚戌如魚兒濼丙辰以叅知政事杜防爲南府宰相三月丁亥高麗遣使來貢以宣政殿學士楊佺



叅知政事是月置契丹警巡院夏四月己酉遣東京留守  
耶律侯哂知黃龍府事耶律歐里斯將兵攻蒲盧毛朶部  
甲寅南院大王耶律高十奏党項等部叛附夏國丙辰西  
南面招討都監羅漢奴詳穩幹魯母等奏山西郡族節度  
使屈烈以五部叛入西夏乞南北府兵援送實威塞州戶  
詔富者遣行餘留屯疑天德軍五月壬戌朔羅漢奴奏所  
發部兵與党項戰不利招討使蕭普達四捷軍詳穩張佛  
奴歿于陣李元昊來援叛黨戊辰詔徵諸道兵會西南邊  
以討元是六月甲午阻卜酋長烏八遣其子執元昊所遣  
來援使寇邑改來乞以兵助戰從之駐蹕永安山以將伐

夏遣延昌宮使耶律高家奴告宋丙申詔前南院大王即  
律谷欲翰林都林牙耶律庶成等編集國朝上世以來事  
蹟丙午高麗遣使來貢丁未錄囚秋七月辛酉香河縣辰  
李宜兒以左道惑衆伏誅庚午行再生禮庚辰夏國遣使  
來朝八月乙未以夏使對不以情霸之丁巳夏國復遣使  
來詢以事宜又不以實對答之九月戊辰宋以親征夏國  
遣余靖致贐禮壬申會大軍于九十九泉以皇太弟重元  
北院樞密使韓國王蕭惠將先鋒兵西征冬十月庚寅祭  
天地丙申獲党項偵人射鬼箭丁酉李元昊上表謝罪己  
亥元昊遣使來奏欲收叛黨以獻從之辛亥元昊遣使來

進方物詔北院樞密副使蕭革迺之壬子軍于河曲革言  
元昊親率党項三部來詔革詰其納叛背盟元昊伏罪賜  
酒許以自新遣之召羣臣議皆以大軍旣集宜加討伐癸  
丑督數路兵掩襲殺數千人駙馬都尉蕭胡親爲夏人所  
執丁巳元昊遣使以先被執者來歸詔所留夏使亦還其  
國十月辛酉賜有功將校有差甲子班師丁卯改雲州  
爲西京辛巳朝皇太后十二月己丑幸西京戊戌以北院  
樞密副使耶律敵烈爲右夷離畢己亥高麗遣使來貢戊  
申蕭胡親自夏來歸

十四年春正月庚申以侍中蕭虛烈爲南院統軍使封遼

西郡王庚午如鴛鴦樂壬午以金吾衛大將軍敵魯古爲  
乙室大王甲申夏國遣使進鵲以常侍幹古得戰歿命其  
子習羅爲帥二月庚子朝皇太后駐蹕撒刺灤三月己卯  
宋以伐夏師還遣使來賀辛亥高麗遣使來貢閏五月癸  
丑清暑永安山丁卯謁慶陵己卯阻卜大王屯秃古斯率  
諸酋長來朝庚辰夏國遣使來貢辛亥以西南面招討使  
蕭普達戰歿贈同中書門下平章事秋七月戊申駐蹕中  
會川冬十月甲子望祀木葉山十一月壬午朔回鵲阿薩  
蘭遣使來貢甲辰以同知北院宣徽事蕭阿剌爲北府宰  
相十二月癸丑觀漢軍習砲謝擊刺癸亥決滯獄

十五年春正月乙酉如混同江禁契丹以奴婢鬻與漢人  
二月乙卯如長春河丙寅蒲盧毛及朮界曷懶河戶來附詔  
撫之三月甲申朝皇太后乙酉以應聖節減死罪釋徒以  
下辛卯朝皇太后丁酉高麗遣使來貢詔諸道歲具獄訟  
以聞夏四月辛亥禁五京吏民擊鞠戊午罷造輦帳戍軍  
壬戌以北女直詳穩蕭高六爲奚六部大王甲子清暑求  
安山甲戌蒲盧毛及朮曷懶河百八十戶來附六月癸丑以  
西京留守耶律馬六爲漢人行宮都部署叅知政事楊佖  
出爲武定軍節度使戊辰御清涼殿放進士王崇等六十  
八人甲戌西北路招討使耶律敵魯古坐贓免官秋七月

乙酉詔王遂哥薨戊子觀穫乙未以北院宣徽使旅墳爲  
左夷离畢前南府宰相耶律喜孫東北路詳穩丙申籍諸  
路軍丁酉如秋山辛丑禁扈從踐民田丁未以女直部長  
遮母率衆來附加太師八月癸丑高麗王欽薨遣使來告  
九月甲辰禁以宜網捕狐兔冬十月己酉主馬蹕中會川十  
一月丁亥以南院樞密使蕭孝友爲北府宰相契丹行宮  
都部署耶律仁先南院大王北府宰相蕭革同知北院樞  
密使事知夷离畢事耶律信先漢人行官都部署左夷离  
畢旅墳惕隱漢人行宮都部署耶律敵烈左夷离畢己亥  
海部以契丹戶例通括軍馬乙巳振南京貧民十二月

通鑑卷一百一十五  
壬申

以下罪是日爲聖宗在時生辰

本紀第十九

本紀第二十

遼史二十

開府儀同三司柱國錄軍國軍事中書省丞相監修國史領經筵事都總裁脫脫奉

勅修

興宗三

十六年春正月己卯如混同江二月庚申如魚兒濼辛酉  
禁群臣遇宴樂奏請私事詔世選之官從各部耆舊擇材  
能者用之三月丁亥如黑水濼癸巳遣使審決雙州囚壬  
寅大雪夏四月乙巳朔皇太后不豫上馳往視疾丙午皇  
太后愈復如黑水濼丁卯肆赦六月戊申清暑永安山丁  
巳阻卜大王屯禿古斯來朝獻方物戊午詔士庶言事秋



七月辛卯幸慶州自是月至九月日射獵于楚不溝霞  
列繫輪石塔諸山冬十月辛亥幸中京謁祖廟丙辰定公  
主行婦禮於舅姑儀庚午鐵驪仙門來朝以始八貢加右  
監門衛大將軍十一月戊寅祠木葉山己丑幸中京朝皇  
太后壬辰禁漏泄宮中事十二月辛丑朔女直遣使來貢  
辛亥謁太祖廟觀太宗收晉圖癸丑問安皇太后乙卯以  
太后諭雜犯死罪減一等論徒以下免庚申南府宰相杜  
防韓紹榮奏事有誤各以大杖決之出防爲武定軍節度  
使壬戌高麗遣使來貢

十七年春正月丁亥如春水閏月癸丑射虎于候里吉三

月辛巳振瑤穩嘲穩部是月詔士庶言國家利便不得及  
已事奴婢所見許白其主不得自陳夏國王李元昊覺其  
子諒祚遣使來告即遣永興宮使耶律裏里右護衛太保  
耶律興老將作少監王全慰奠三月癸卯以同知南京留  
守事蕭塔烈葛爲左夷離畢知右夷離畢事唐古爲右夷  
離畢丙午夏國李諒祚遣使上其父元昊遺物丁卯鐵不  
得國使來乞以本部軍助攻夏國不許夏四月辛未武定  
軍節度使杜防復爲南府宰相丙子高麗遣使來貢甲申  
蒲盧毛朶部大王蒲輦以造舟人來獻六月庚辰阻卜獻  
馬馳二萬辛卯長白山太師柴葛回跋部太師撒刺都來

貢方物秋七月丁未子越摩梅欲之子不葛一及婆離八  
部夷离草虎馿等内附甲寅錄囚減雜犯死罪八月丙戌  
復南京貧戶租稅戊子以殿前都點檢耶律義先爲行軍  
都部署中順軍節度使夏行美副部署東北面詳穩耶律  
朮者爲監軍伐蒲奴里酋陶得里冬十月甲申南院太王  
耶律韓八薨甲午主馬蹕獨盧金十一月乙未朔遣使括馬  
丁巳賜皇太弟重元金券封皇子和魯幹爲越王阿璉許  
王忠順軍節度使謝家奴陳王西京留守貼不漢王惕隱  
旅墳遼西郡王行宮都部署別古得柳城郡王奉陵軍節  
度使侯古饒樂郡王安定郡王涅魯古進封楚王

十八年春正月甲午朔日有食之戊戌留夏國賀正使不  
遣己亥遣北院樞密副使蕭惟信以伐夏告宋辛丑錄囚  
丙午如鴛鴦灤丙辰獵霸特山耶律義先奏蒲奴里捷二  
月庚辰幸燕趙國王洪基帳視疾乙酉耶律義先等執陶  
得里以獻三月乙巳高昌國遣使來貢壬子以洪基疾愈  
赦雜犯死罪以下丁巳烏古遣使送款夏四月癸酉以南  
府宰相耶律高十爲南京統軍使五月甲辰五國酋長各  
率其部來附庚戌回跋部長兀迭臺扎等來朝戊午五國  
節度使耶律仙童以降爲古叛人授左監門衛上將軍六  
月壬戌朔以韓國王蕭惠爲河南道行軍都統趙王蕭孝

友漢王貼不副之乙丑錄囚丙寅行十二神素禮己巳宋  
以遼師伐夏遣錢逸致贐禮庚辰阻卜來貢馬馳珍玩辛  
巳夏國使來貢留之不遣丁亥行再生禮秋七月戊戌親  
征八月辛酉渡河夏人遁乃還九月丁未蕭惠等爲夏人  
所敗冬十月北道行軍都統耶律敵魯古率阻卜諸軍至  
賀蘭山獲李元昊妻及其官僚家屬遇夏人三千來戰殪  
之烏古敵烈部都詳穩蕭慈氏奴南尅耶律幹里死焉十  
二月戊寅慶陵林木火己卯錄囚有弟從兄爲強盜者兄  
弟俱無子特原其弟

十九年春正月庚寅僧惠鑑加檢校太尉庚子耶律敵魯

古復封漆水郡王諸將校及阻卜等部酋長各進爵有差  
贈蕭慈氏奴同中書門下平章事辛丑遣使問罪于夏國  
壬寅如魚兒濼二月丁亥夏將洼普猥貨乙靈紀等來攻  
金肅城南面林牙耶律高家奴等破之洼普被創遁去殺  
猥貨乙靈紀三月戊戌殿前都點檢蕭送里得與夏戰于  
三角川敗之癸卯命西南招討使蕭蒲奴北院大王宜新  
林牙蕭撒抹等帥師伐夏以行宮都部署別古得監戰甲  
辰遣同知北院樞密使蕭革按軍邊城以爲聲援己酉駐  
蹕息雞淀丙辰幸殿前都點檢蕭送里得駙馬都尉蕭胡  
覲帳視疾夏四月丙寅如魚兒濼壬申蒲盧毛朶部惕隱

信篤來貢甲申高麗遣使來貢五月己丑如涼陁癸巳蕭  
蒲奴等入夏境不與敵遇縱軍俘掠而還丁酉夏國注普  
來降己亥遼夷拔思母部遣使來貢六月丙辰朔置倒塌  
嶺都監丙寅謁慶陵庚午幸慶州謁大安殿壬申詔醫卜  
屠販奴隸及倍父母或犯事逃亡者不得舉進士回跋曷  
蘇館蒲盧毛朶部各遣使貢馬甲戌宋遣使來賀伐夏捷  
高麗使俱至辛巳御金鑾殿試進士秋七月壬辰駐蹕括  
皇蒲盃癸巳以燕趙國王洪基領北南樞密院乙未阻卜  
長豁得刺弟幹得來朝加太尉遣之戊戌錄囚戊申以左  
夷离畢蕭唐古爲北院樞密副使壬子獵候里吉八月丁

卯阻卜酋長噶魯葛拔里斯來朝九月壬寅夏人侵邊敵  
魯疑遣六院軍將海里較手敗之冬十月庚午還上京辛未  
夏國王李諒祚母遣使乞依舊稱藩使還詔諭別遣使臣  
詣闕之徐思之壬申釋臨潢府役徒甲戌如中會川十一  
月甲午阻卜酋長谿得刺遣使來貢庚戌錄囚壬子出南  
府宰相韓知白爲武定軍節度使樞密副使楊績長寧軍  
節度使翰林學士王綱澤州刺史張宥徽州刺史知制誥  
周白海北州刺史閏月乙卯以漢王貼不爲中京留守辛  
未以同知北院樞密使事蕭革爲南院樞密使南院大王  
耶律仁先知北院樞密使事封守王十二月丁亥北府宰



通鑑二十  
五  
相趙王蕭孝友出爲東京留守東京留守蕭瑒列爲爲北  
府宰相南院樞密使潞王查爲爲南院大王庚戌韓國王  
蕭惠徙封魏王致仕子夏國李諒祚遣使上表乞依舊  
臣屬

二十年春正月戊戌駐蹕混同江二月甲申遣前北院都  
監蕭友扈等使夏國索党項叛戶已丑如蒼耳濼申辰吐  
蕃遣使來貢三月壬子朔辛酉水夏五月癸丑蕭友扈等  
使夏還李諒祚母表乞如党項權進之駝牛羊等物已  
夏國遣使求唐隆鎮及乞罷新建城邑以詔答之六月丙  
戌詔以所獲李元昊妻及前後所俘夏人安置蘇州以伐

夏所獲物遣使遺宋秋七月如秋山九月詔更定條制駐蹕中會川冬十月己卯朔括諸道軍籍十一月庚申以楊隱都監蕭謨魯爲左夷離畢甲子命東京留守司總領戶部內省事丁卯罷中丞記錄職官過犯令承旨總之十二月乙酉以皇太后行再生禮肆赦

二十一年春正月辛亥如混同江二月如魚兒濼夏四月癸未以國舅詳穩蕭阿剌爲西北路招討使封西平郡王六月丙子駐蹕永安山秋七月甲辰朔召北府宰相蕭塔烈葛南府宰相漢王貼不南院樞密使蕭革知北院樞密使事仁先等賜坐論古今治道戊申祀天地己酉詔北南

樞密院日再奏事壬子追尊太祖之祖爲簡獻皇帝廟號  
玄祖祖妣爲簡獻皇后太祖之考爲宣簡皇帝廟號德祖  
妣爲宣簡皇后追封太祖伯父夷離董巖木爲蜀國王于  
越釋魯爲隋國王以燕趙國王洪基爲天下兵馬大元帥  
知惕隱事賜詔諭之癸亥近侍小底盧賢僞學御畫免死  
配役終身甲子如秋山戊辰謁慶陵以南院樞密使蕭董  
爲北院樞密使封吳王辛未如慶州壬申追封太祖弟宣  
底石爲許國王八月戊子太尉烏者薨詔配享聖宗廟九  
月乙卯平州進白兔己未謁懷陵庚申追上嗣聖皇帝天  
順皇帝尊諡及更諡彰德皇后曰靖安癸亥諡齊天皇后

曰仁德皇后甲子謁祖陵增太祖謚大聖大明神烈天皇  
帝更謚貞烈皇后曰淳欽恭順皇帝曰章肅后蕭氏謚曰  
和敬冬十月戊寅駐蹕中會川丁亥夏國李諒祚遣使乞  
弛邊備即遣蕭友括奉詔諭之戊子幸顯懿二州甲午遼  
興軍節度使蕭虛烈封鄭王南院大王潞王查葛爲南院  
樞密使進封越國王戊戌射虎于南撒葛栢辛丑謁乾陵  
十一月壬寅朔增謚文獻皇帝爲文獻欽義皇帝及謚二  
后曰端順曰柔貞復更謚世宗孝烈皇后爲懷節丁未增  
孝成皇帝謚曰孝成康靖皇帝更謚聖神宣獻皇后爲睿  
智甲子次中會川回鶻阿薩蘭遣使貢名馬文豹丙寅錄

通鑑卷一百一  
四十二月戊戌以北府宰相塔烈葛爲南京統軍使鄭王  
虛烈北府宰相契丹行宮都部署耶律義先惕隱釋役徒  
限年者

二十二年春正月乙巳如混同江二月丙子回鶻阿薩蘭  
爲隣國所侵遣使求援庚辰如春水三月癸亥李諒祚以  
賜詔許降遣使來謝丙寅如黑水濼夏四月戊子獵鵠淀  
五月壬寅詔內地州縣植果六月壬申駐蹕胡呂山癸未  
高麗遣使來貢秋七月己酉阻卜大王屯禿古斯率諸部  
長獻馬駝庚申如黑嶺閏月庚午烏古來貢癸巳長春州  
直錢帛司九月壬辰夏國李諒祚遣使進降表甲午遣南

面林牙高家奴等奉詔撫諭冬十月丙申朔日有食之十一月辛卯詔諸職事官以禮受代及以罪去者置籍歲申樞密院十二月丙申朔詔回鶻部副使以契丹人充庚子應聖節曲赦徒以下罪壬子詔大臣曰朕與宋主約爲兄弟歡好歲久欲見其繪像可諭來使

二十三年春正月己巳如混同江癸酉獵雙子淀戊子夏國遣使貢方物壬辰如春水甲午獵盤直坡三月丁亥幸皇太弟重元帳夏四月癸卯高麗遣使來貢癸丑獵合只忽里五月己巳李諒祚乞進馬駝詔歲貢之庚寅駐蹕永安山壬辰夏國遣使來貢六月丙申如慶州己亥謁慶陵

壬寅高麗王徽請官其子詔加檢校太尉辛亥吐蕃遣使  
來貢秋七月己巳夏國李諒祚遣使來求婚甲戌如秋山  
已卯詔入房族巾幘九月庚寅獵遇三虎縱犬獲之冬十  
月丁酉駐蹕中京戊戌幸新建祕書監辛丑有事于祖廟  
癸丑以開泰寺鑄銀佛像曲赦在京囚丙辰李諒祚遣使  
進誓表十一月乙丑阻卜部長來貢壬申帝率群臣上皇  
太后尊號曰仁慈聖善欽孝廣德安靜貞純懿和寬厚崇  
覺儀天皇太后大赦内外官進級有差癸未錄囚甲申群  
臣上皇帝尊號曰欽天奉道祐世興曆武定文成聖神仁  
孝皇帝冊皇后蕭氏曰貞懿慈和文惠孝敬廣愛崇聖皇

后十二月丙申如中會川

二十四年春正月癸亥如混同江戊辰朝皇太后辛巳宋遣使來賀饋馴象二月己丑朔召宋使釣魚賦詩癸巳如長春河甲寅夏國遣使來賀三月癸亥皇太弟重元生子曲赦行在及長春鎮北二州徒以下罪夏五月駐蹕南崖秋七月壬午如秋山次南崖之北峪不豫八月丁亥疾大漸召燕趙國王洪基諭以治國之要戊子大赦縱五坊鷹鷂焚鈎魚之具己丑帝崩于行宮年四十遣詔燕趙國王洪基嗣位清寧元年十月庚子上尊謚爲神聖孝章皇帝廟號興宗



通鑑二十  
九  
贊曰興宗即位年十有六矣不能先尊母后而尊其母以致臨朝專政賊殺不辜又不能以禮幾諫使齊天死於弒逆有虧王者之孝惜哉若夫大行在殯飲酒博鞠壘見簡書及其謁遺像而哀慟受宋弔而衰絰所爲若出二人何爲其然歟至於感富弼之言而申南宋之好許諒祚之盟而罷西夏之兵邊鄙不聳政治內修親策進士大修條制下至士庶得陳便宜則求治之志切矣于時左右大臣曾不聞一賢之進一事之諫欲庶幾古帝王之風其可得乎雖然聖宗而下可謂賢君矣

本紀第二十

本紀第二十一

遼史二十一

開府儀同三司上柱國錄軍國軍事中書右丞相監修國史領經筵事都總裁臣脫脫奉

勅修

道宗一

道宗孝文皇帝諱洪基字涅鄰小字查剌興宗皇帝長子母曰仁懿皇后蕭氏六歲封梁王重熙十一年進封燕國總領中丞司事明年總北南院樞密使事加尚書令進封燕趙國王二十一年爲天下兵馬大元帥知惕隱事預朝政帝性沉靜嚴毅每朝興宗爲之斂容二十四年八月己丑興宗崩即皇帝位於柩前哀慟不聽政辛卯百僚上表

固疑許之詔曰朕以菲德託居士民之上第恐智識有不及群下有未信賦歛妄興賞罰不中上恩不能及下下情不能達上凡爾士庶直言無諱可則擇用否則不以為愆卿等其體朕意壬辰以皇太弟重元為皇太叔免漢拜不名癸巳遣使報哀于宋及夏高麗甲午遣重元安撫南京軍民戊戌以遺詔命西北路招討使西平郡王蕭阿剌為北府宰相仍權知南院樞密使事北府宰相蕭虛烈為武定軍節度使辛丑改元清寧大赦九月戊午詔常所幸園場外毋禁庚申詔除護衛士餘不得佩刃入宮非勲戚後及夷離董副使承應諸職事人不得冠巾壬戌詔夷離董

又副使之族并民如賤不得服馳尼水獺裘刀柄兔鶻鞍勒珮子不許用犀玉骨突犀惟大將軍不禁乙丑賜内外臣僚爵賞有差庚午尊皇太后爲太皇太后辛未遣左夷离畢蕭謨魯翰林學士韓運以先帝遺物遺宋癸酉遣使以即位報宋丙子尊皇后爲皇太后宴蕞塗殿以上京留守宿國王陳留爲南京留守壬午遣使賜高麗夏國先帝遺物冬十月丁亥有司請以帝生日爲天安節從之以吳王仁先同知南京留守事陳王塗字特爲南府宰相進封吳王壬寅以順義軍節度使十神奴爲南院大王十一月甲子葬興宗皇帝於慶陵宋及高麗遣使來會名其山曰

永興丙寅以南院大王侯古爲中京留守北府宰相西平  
郡王蕭阿剌進封韓王壬申次懷州有事於太宗穆宗廟  
甲戌謁祖陵戊寅冬至有事於太祖景宗興宗廟不受群  
臣賀十二月丙戌詔左夷离畢曰朕以眇冲獲嗣大位夙  
夜憂懼恐弗克任欲聞直言以匡其失今已數月未見所  
以副朕委任股肱耳目之意其令內外百官比秩滿各言  
一事仍轉諭所部無貴賤老幼皆得直言無諱戊子應聖  
節上太皇太后壽宴群臣命婦冊妃蕭氏爲皇后進封皇  
弟越王和魯韓爲魯國王許王阿璉爲陳國王楚王涅魯  
古徙封吳王辛卯詔部署院事有機密即奏其投謗訕書

輒受及讀者並棄市癸巳皇族十公悖母伏誅甲午以樞  
密副使姚景行為參知政事翰林學士吳湛爲樞密副使  
參知政事同知樞密院事韓紹文爲上京留守丙申宋遣  
歐陽脩等來賀即位戊戌詔設學養士頒五經傳疏置博  
士助教各一員癸卯以知涿州楊績參知政事兼同知樞  
密院事庚戌以聖宗在時生哀赦上京囚是年御清涼殿  
放進士張孝傑等四十四人

二年春正月丙辰詔州郡官及僚屬決囚如諸部族例已  
已詔二女古部與世預宰相節度使之選者免皮室軍是  
月辛酉以左夷離畢蕭謨曾知西南面招

討都監事乙巳以興宗在時生辰宴群臣命各賦詩三月  
丁巳應聖節曲赦百里內囚巳卯御製放鷹賦賜群臣諭  
任臣之意閏月巳亥始行東京所鑄錢乙巳南京獄空進  
留守以下官夏四月甲子詔曰方夏長養鳥獸孳育之時  
不得縱火於郊五月戊戌謁慶陵甲辰有事于興宗廟六  
月丁巳詔宰相舉才能之士戊午命有司籍軍補邊戊辛  
酉阻卜酋長來朝貢方物丁卯高麗遣使來貢辛未罷史  
官預聞朝議俾問宰相而後書乙亥中京蝗蝻為灾丙子  
詔強盜得實者聽諸路決之丁丑南院樞密使趙國王查  
葛為上京留守同知南京留守事吳王仁先為南院樞密

使乙酉遣使分道平賦稅繕戎器勸農桑禁盜賊八月辛  
未如秋山九月庚子幸中京祭聖宗興宗於會安殿冬十  
月丙子如中會川十一月戊戌知左夷离畢事耶律劃里  
爲夷离畢北院大王耶律仙童知黃龍府事甲辰文武百  
僚上尊號曰天祐皇帝后曰懿德皇后大赦乙巳以皇太  
叔重元爲天下兵馬大元帥徙封趙國王查葛爲魏國王  
魯國王和魯幹爲宋國王陳國王阿璉爲秦國王吳王涅  
魯古達封楚國王百官進遷有差十二月戊申朔以韓王  
蕭阿剌爲北院樞密使東京留守宿國王陳留北府宰相  
宋國王和魯幹上京留守秦國王阿璉知中丞司事甲寅



上皇太后尊號曰慈懿仁和文惠孝敬廣愛宗天皇太后  
三年春正月庚辰如鴨子河丙戌置倒塌嶺節度使乙未  
五國部長來貢方物二月己未如大魚濼三月辛巳以楚  
國王涅魯古為武定軍節度使夏四月丙辰清暑永安山  
五月己亥如慶陵獻酎於金殿同天殿六月辛未以魏國  
王查葛為惕隱同知樞密院事蕭唐古南府宰相魏國王  
貼不東京留守秋七月甲申南京地震赦其境內乙酉如  
秋山八月辛亥帝以君臣同志華夷同風詩進皇太后九  
月庚子幸中會川冬十月己酉謁祖陵庚申謁讓國皇帝  
及世宗廟辛酉奠酎于玉殿十一月丙子以左夷離畢請

謨魯爲契丹行宮都部署庚子高麗遣使來貢十二月庚戌禁職官於部內假貸貿易戊辰太皇太后不豫曲赦行在五百里內囚己巳太皇太后崩

四年春正月壬申朔遣使報哀于宋夏如鴨子河釣魚癸酉宋遣使奉宋主繪像來丁亥知易州事耶律頗得秩滿部民乞留許之二月丙午詔夷離畢諸路鞠死罪獄雖具仍令別州縣覆案無冤然後決之稱冤者即具奏庚戌如魚兒樂三月戊寅募天德鎮武東勝等處勇捷者籍爲軍甲午肆赦夏四月甲辰謁慶陵丁卯宋遣使弔祭五月庚午朔上太皇太后尊謚曰欽哀皇后癸酉葬慶陵夏

國高麗遣使來會乙酉如永安山清暑六月乙丑以北院  
樞密使鄭王蕭革爲南院樞密使徙封楚王南院樞密使  
吳王仁先爲北院樞密使秋七月辛巳制諸掌內藏庫官  
盜兩貫以上者許奴婢告壬午獵于黑嶺冬十月戊戌朔  
以同知東京留守事侯古爲南院大王保安軍節度使奚  
底爲奚六部大王十一月癸酉行再生及柴冊禮宴群臣  
於八方陂庚辰御清風殿受大冊禮大赦以吳王仁先爲  
南京兵馬副元帥徙封隋王壬午謁太祖及諸帝宮丙戌  
祠木葉山禁造玉器十二月辛丑詳駝尼水獺裘之禁乙  
巳許士庶畜鷹馬辛亥南院樞密使楚王蕭革復爲北院樞

密使閏月己巳賜皇太叔重元金券是歲皇子濬生

五年春如春州夏六月甲子朔駐蹕納葛濬己丑以南院  
樞密使蕭阿速爲北府宰相樞密副使耶律乙辛南院樞  
密使惕隱查葛遼興軍節度使魯王謝家奴武定軍節度  
使東京留守吳王貼不西京留守秋七月丁酉以烏古敵  
烈詳穩蕭謨魯爲左夷離畢冬十月壬子朔幸南京祭興  
宗於嘉寧殿十一月禁獵十二月壬戌以北院林牙奚馬  
六爲右夷離畢參知政事吳湛以弟洵冒入仕籍削爵爲  
民是年上御百福殿放進士梁援等百一十五人

六年春如鴛鴦濬夏五月戊子朔監修國史耶律白請編

次御製詩賦仍命白爲序己酉駐蹕納菖樂六月戊午朔  
以東北路女直詳穩高家奴爲惕隱壬戌遣使錄囚丙寅  
中京置國子監命以時祭先聖先師癸未以隋王仁先爲  
北院大王賜御製誥冬十月甲子駐蹕藕絲淀

七年春三月庚戌如春州以耶律乙辛知北院樞密使事  
夏四月辛未禁吏民畜海東青鵠五月丙戌清暑永安山  
丙午謁慶陵辛亥殺東京留守陳王蕭阿剌六月壬子朔  
日有食之甲子以蕭謨魯爲順義軍節度使丁卯幸弘義  
永興崇德三宮致祭射柳賜宴賞賚有差戊辰行再生禮  
復命群臣分朋射柳丁丑以楚國王涅魯古知南院樞密

使事秋九月丁丑駐蹕藕絲淀冬十一月壬午以知黃龍  
府事耶律阿里只爲南院大王

本紀第二十一